





**GELAR ARON SI MPERSIAPKEN  
BAHAN PEKAN KEBAKTIN PENATALAYANEN GBKP  
TAHUN 2024**

1. Pdt. Christopher Sinulingga, M.Th
2. Pdt. Oktorina br Surbakti, M.Th.
3. Pdt. Dicky A. Bangun, M.Th.
4. Pdt. Juda Diva Sebayang, S.Th.
5. Pdt. Melkisedekh Sembiring, M.Th.
6. Pdt. Suenita br Sinulingga, M.Th
7. Pdt. Jefri Alexander Keliat, M.Fil.
8. Pdt. Ribka Mayasari br Tarigan, S.Th., M.M.
9. Pdt. Kristiani F. br Tarigan, M.Th.
10. Pdt. Nurbety br Ginting, M.Th.
11. Pdt. Elieser Tarigan Tambun, S.Th.

## DAFTAR ISI

• Kata Penaruh .....	1
• Daftar Isi .....	3
• Liturgi Ras Renungen Pekan Kebaktin Penatalayanen GBKP Tahun 2024 Wari Pemena ( <b>Tema : Erdalan I Bas Terang Si Ibereken Tuhan</b> ).....	4
• Liturgi Ras Renungen Pekan Kebaktin Penatalayanen GBKP Tahun 2024 Wari Peduaken ( <b>Tema : Ndalanken Peraten Tuhan</b> ).....	15
• Liturgi Ras Renungen Pekan Kebaktin Penatalayanen GBKP Tahun 2024 Wari Peteluken ( <b>Tema : Erkemalangen Man Dibata</b> ).....	24
• Liturgi Ras Renungen Pekan Kebaktin Penatalayanen GBKP Tahun 2024 Wari Peempatken ( <b>Tema : Mehamat Man Tuhan</b> ) .....	33
• Liturgi Ras Renungen Pekan Kebaktin Penatalayanen GBKP Tahun 2024 Wari Pelimaken ( <b>Tema : Terang Perlu I Bas Gelap</b> ).....	44
• Liturgi Ras Bimbingan Pekan Kebaktin Penatalayanen GBKP Tahun 2024 Wari Peenemken ( <b>Tema : Keleng Ateku Kam</b> ).....	55
• Liturgi Ras Renungen Pekan Kebaktin Penatalayanen GBKP Tahun 2024 Wari Pepituken ( <b>Tema : Tetap Meritaken Kebenaren Berita Si Meriah</b> ).....	64
• Aron Sinikapken Pekan Kebaktin Penatalayanen GBKP Tahun 2024.....	74
• Lembar Saran .....	75

0000oooo0000



---

**LITURGI RAS RENUNGEN**  
**PEKAN KEBAKTIN PENATALAYANEN GBKP**  
**WARI PEMENA, Minggu 21 Januari 2024**

*Tema Umum : Erdalan I Bas Terang Si Ibereken Tuhan (Jes. 2 : 5)*

**I. Persikapen**

Ngaturken si ertugas ras perlengkapen guna kiniraturen kebaktin.

**II. Kebaktin**

**1. Kata Penaruh**

Mejuah-juah man banta kerina perpulungen ni Tuhan Jesus, sikataken bujur man Tuhan sabap kita tetap sehat mejuah-juah dengen banci ka si umputi kiniersadanta i bas perpulungen alu ngelakoken Pekan Kebaktin Penatalayanen. Tema Umum sekaligus pe jadi tema wari pemena Pekan Kebaktin Penatalayanen tahun 2024 enda e me erdalan i bas terang si ibereken Tuhan. Arah kebaktin enda nuate segelah kita tetap jadi pelaku aktif pelayanen i bas perpulungen jenari banci kita erkarya dengen erguna kempak kalak si deban. Sabab em tanda perpulungen Tuhan si tetap erdalan i bas terang si ibereken Tuhan. Si bengketi kebaktin enda alu pengarapen segelah Dibata tetap reh ngajari ras masu-masu kita.

**2. Ertoto**

--- Perpulungen tedis ---

**3. Rende KEE No. 308: 1,3**

Puji Tuhan haleluya, wari enda wari Dibata  
Pulung kita k'rina jenda, rende nembah muji gelarNa


**Reff :**

Haleluya, haleluya puji gelarNa, haleluya, haleluya puji gelarNa

Dage mari kita k'rina, ralep-ralep muji gelarNa

Ia si ndarami kita, si mbabai kita ku surga     **Reff : ...**

(Tupung rende iendesken perlengkapen kebaktin man si maba kebaktin)



- L Sipepaguhi perpadanenta alu ras kita rende KEE No. 350:1-2
1. Kelengi kebenaran, pedaulah si jahat  
Pakeken kata Tuhan, tahan rasa lalap  
Nggeluhlah alu bujur, meteruk ukur kin  
Dalanken kebenaran, maka ukur teneng  
**Reff** : *Erjaga jagalah reh me wari Tuhan*  
*Ersikap sikaplah pake kata Tuhan*
  2. Darami si mehuli, pedauh min sijahat  
Megermet bas kegluhen, make pedah Tuhan  
Lakokenlah si adil, i bas kegluhen  
Bage me pedah Tuhan, tetap si dalanken **Reff**: ...

### 11. Pertoton Tuhan

### 12. Pemasu-masun

- L Turang ras senina bas kekelengen ni Tuhan, mulihlah ku bas kegeluhenta (ndu) si teptep wari. Kita (kam) me saksi Kristus, si ncidahkan terangNa bas kerina dampar kegeluhenta. Guna jadi gegeh man banta (ndu) ersaksi, alokenlah pasu-pasu i bas Dibata nari:  
*"Dibata si mada perkuah ate, si enggo nenahken kita (kam) ku kemulianNa si rasa lalap i bas Kristus, njadikan kita (kam) serta, tetap, megegeh dinggen paguh. IA nge si mada kuasa seh rasa lalap". Amin.*
- P Amin... Amin.. Amin.. (iendeken)

### III. Diskusi

- Rikutken teluna ogenta, kai nge si erbanca maka megati la kita pang nuriken kebenaran.
- Kai deba ulih meritaken kebenaran subuk man banta, bage pe man si nterem. Turiken.

**Pdt. Jefri Alexander Keliat, M.Fil**  
**HP/WA : 0813 6064 5511**

### 4. Votum, Salam, Invocatio

- L Pekan Kebaktin Penatalayanen wari pemena enda ibenaken i bas gelar Dibata Bapa simereken terang man manusia, i bas gelar AnakNa Jesus Kristus si jadi terang man manusia, ras i bas gelar Kesah Si Badia si mpengasup manusia tetap erdalam i bas terang si ibereken Tuhan.  
Perkuah ate Tuhan Jesus Kristus, kekelengen Dibata Bapa ras kerembaken Kesah Si Badia ras kita (kam) kerina gelah. Amin
- P Amin ... Amin ... Amin ... (iendeken)
- L Ikimbangken Dibata sada embun i babona, tupung berngi iberekenNa man kalak enda sada api si erbahanca terang (Msm. 105:39)  
Meriah ukurta ngaloken perbahanen Dibata, e maka mari si puji IA alu radu ras kita ngendeken KEE No. 95: 1, 3  
O Jesus Tuhanku, Kam t'rang doni e  
T'rang min ukurku, sampat aku pe  
Mekuah ateNdu, man perdosa e  
Apuli min aku 'bas susahku e  
Tendi kula ukur, ras gegehku pe  
Ku tepet ku bujur, ban KesahNdu e  
Ku endesken baNdu, baban geluh e  
Kepkep aku seh kedungen doni pe  
**--- Perpulungen kundul ---**

### 5. Dibata Kap Raja Mulia (Responsoria)

- L TUHAN kap raja! O doni ersuraklah. O pulo-pulo ersuraklah!
- P Embun dinggen kegelapen ngkeleweti Ia. Ia merentah alu kebenaran ras kebujuren.
- L Api ernala-nala i adep-adepenNa, musuh i kelewetna meseng ibahanNa.
- Mamre KilapNa nerangi doni, gentar doni ngidahsa.
- Moria I adep-adepen TUHAN, deleng-deleng melengas desken lilin, sabap ia kap TUHAN nu kerina doni.
- Saitun Langit ermomo kerna kebenaranNa, kerina bangsa ngidah kemulianNa.



Anak	Kerina kalak si nembah gana-gana ijuruken me, saksi ras kalak si megah iakapna kerna berhala-berhala, kerina dibata-dibata erjimpuh i adep-adepen TUHAN.
L	Ersurak meriah kalak Sion ras Juda, erkiteken keputusanNdu, TUHAN.
Mamre+Saitun	TUHAN si Mada Kuasa kap ngkuasai doni enda, kemulianNa ngelebihi kerina dibata-dibata.
Moria+Anak	O kam si erkeleng ate man TUHAN, cigalah ateNdu kejahatan. Sabap ikawali TUHAN kap kalak si setia man baNa ikeliniNa ia i bas kuasa kalak jahat nari.
L	Terang ersinalsa i babo kalak si benar, kalak bujur dem alu keriahen.
P	Meriahlah atendu kerna TUHAN, o kerina kalak si pinter ukurna, janah kataken bujur man Dibata si Badia.
L	Mari sisehken pujinta man Dibata Raja Mulia alu ngendeken KEE No. 424: 1, 2 I puji kami Kam, Dibata si mbelin Alu ende-enden si meriah Suari ras berngi, Kam si 'ngkawal kami E maka la celuh bas percuban <b>Reff</b> : Sangap kap kalak , si 'rnalem baNdu e Daten tuah ras kesangapen pe Sangap kap kalak , si 'rnalem baNdu e Daten tuah ras kesangapen pe Kam Tuhan Dibata, puji sembah kami Keleng ateNdu la kap erkerin Kam kap si njayam kegeluhen kami kin KelengNdu man kami la erkerin <b>Reff</b> : ...

## 6. Pengakun Kerna Kinilangasupen Nggeluh I Bas Terang Si Ibereken Tuhan

L Kerina kami kalak perdosa, kiniulin kami pe melket nge kerina. Kami melus desken bulung-bulung si nartar, dosa kami ngkabangken kami desken angin meter.



1. Babalah persembahen si merimna  
Ku adep-adepen Dibatanta  
Sehkenlah puji-pujin si mehaga, man Tuhan Dibata Si Badia  
S'bab IA si mada kerina, si lit bas geluh enda  
Kataken bujur arah g'luhta, terpuji gelar Tuhan
2. Ajari kami make pemereNdu  
Guna mpehaga Kam o Tuhanku  
Jadi epe pebelangken kataNdu, i bas kegeluhen doni enda.  
Lah gegeh ras pengertin kami, seh jadi pasu-pasu.  
Man krina kegeluhen enda, terpujilah gelar Tuhan
3. Kami nehken persembahen O Tuhan  
Mpehaga Kam si mada kerina  
Enda me gancih diri kami Tuhan  
Jadi alatNdu bas doni enda  
Bage pe kegeluhen kami, i bas pertibi enda  
Jadi persembahen si nggeluh, terpuji gelar Tuhan

## 9. Pertoton persembahen ras sapaat

- Gelah kerina ngawan perpulungen pang nuriken kebenaran, maba berita keriahen bas kegeluhenna (ibabai saitun)
- Gelah sasaran pelayanan GBKP tahun 2024 tahu-tuhu banci ilakoken kerina ngawan perpulungen subuk bas program kerja bage pe bas kegeluhenna si tep-tep wari (ibabai Mamre)
- Gelah perdalanen Lakon Persadaan Si Badia erdalan alu mehuli (ibabai Moria)
- Kerna jabu kundulen dengen si turah bas perpulungen bage pe persembahen (ibabai serayan)

## 10. Tekad maba terang Kristus *(perpulungen tedis)*

- L Kam kap saksi Kristus bas kegeluhenndu, kai dage tekadta (ndu)?
- P Erpadan aku Tuhan maka segedang-gedang geluhku jadi saksiNdu. Kegeluhenku erdalan bas terang dengen terangNdu me ku saksiken.
- L Selaku saksi Kristus kam idilo guna ncidahkan keleng ate Dibata man kerina bangsa. Kai dage tekatta (ndu)?
- P Erpadan aku Tuhan guna cidahkan keleng ateNdu e man kerina bangsa. Lanai lit belat-belat. Tahun enda aku erkarya dengen ernanam man kerina bangsa.



ope si e si cek uga nina kata Dibata gelah alu bage ipepayo lebe si benar siakap kita e.

Si peduaken, kinipangen nuriken si benar. Teluna bahanta nuriken litna tantangan si erbanca banci jadi turah kebiaren. Kepeken adi bas kebenaren Dibata nge kita labo perlu mbiar tapi arus ituriken sabab tanpa kebenaren la lit perubahen si maba kiniulin. E maka perlu ka itekanken man perpulgenta salah sada tugas gereja e me nuriken suara kenabian, suara kenabian nina Miha e me adi lit je kinipangen nuriken kebenaren ras kebujuren. Amin pe lit tantangan arah telu tulisenta labo lit bas tulisen niat surut tapi tetap ergiah-giah nuriken kebenaren e.

Sipeteluken, dampak kebenaren e me kebaikan. Kita ngidah konteks geluhta wari enda subuk i bas negara, gereja ras keluarga si melala kal hal-hal si la mehuli banci saja jadi. Maka bas sasaran pelayanenta tahun enda i jemba kita guna berkarya dingen berguna man kerina kalak gelah kiniulin e banci jadi.

Sipeempatkan, wari enda pe jadi wari terakhir kita ngelakoken Pekan Kebaktin Penatalayanen. Wari si pepagi silakoken me Lakon Persadaan Si Badia. Bas lakon e kita mperingeti kerna keleng ate Jesus. Keleng ateNa e me si jemba kita guna terus erban kebenaren. Maka mari ersikap kita bas lakon e sebage tekadta guna terus ndalanken ras nuriken kebenaren.

**7. Pengakun kiniteken** *(perpulgung tedis)*

**8. Persembahen** *(perpulgung kundul)*

L Seh paksana si endesken persembahenta man Dibata. Kata Dibata si jadi palas i bas kita nehken persembahen "Endeskenlah kulandu man Dibata saja selaku persembahen si nggeluh rikutken si ngena ateNa. Sabab bage me arusna kam ersembah man Dibata sue ras biakndu selaku mahluk si rukur (Rom. 12:1).

Tupung siendesken persembahenta mari ras kita muji Tuhan alu ras kita rende KEE No. 385:1-

Mamre+Anak La lit kami si ertoto man baNdu, la lit si nggit njemak tanNdu. Sabap ayoNdu itutupiNdu nandang kami, janah ipediatNdu kami ikuasai dosa kami.

Moria+Saitun Tapi Kam kap Bapa kami, o TUHAN ; kami taneh dah, janah desken sekalak pande kudin, itepandu kami.

P E maka ola min Kam nembehsa alu mesangat, dosa-dosa kami ola min lalap inget. Tataplah kami kerina, bangsaNdu kap kami enda.

L Mari si akuken kinilangasupenta alu Rende KEE No. 393: 1, 2

Surga nari aku itatapNdu,  
Sanga lalar aku ras ngelabuh  
Seh ku pusuh tangkas idahNdu,  
Ndauh kepe papak perdalanku

Kubegi ilebuhNdu gelarku,  
La 'ku ngasup natap sinalsalNdu  
Ban mbelin me dosa-dosangu,  
La metunggung g'lari anakNdu

----- **Perpulgung tedis** -----

**7. Pergegeh Idu Tuhan Si Erbahan Kita Tetap Erdalan I Bas Terang**

L Tapi asum Dibata si Engkelini kita nehken perkuah ate ras kiniulinNa man banta, kita enggo ikeliniNa. Kita ikeliniNa labo erkiteken perbahanenta si mehuli, tapi erkiteken perkuah ateNa nge. Kita ikelini Dibata arah Kesah Si Badia si erbanca kita tubuh peduakaliken gelah sialoken kegeluhen si mbaru alu mbersihkan kita (Tit. 3:4-5).

P Bujur Tuhan i bas kami enggo ngaloken kegeluhen si mbaru alu Kam mbersihkan kami i bas dosa-dosa kami nari.

L Meriah ukurta enggo ialemi Dibata salah dosanta si mereken gegeh lako tetap erdalan i bas terang si ibereken Tuhan. Si puji IA alu rende KEE No. 402: 1, 3

Perban keleng ateNdu tebusiNdu geluhku  
Alu mambur darehNdu geluhku jadi mbaru

**Reff** : Asa ngasup gegehku, kuikutken Katandu

Jesus kam si perkuah, ku puji ras ku sembah



---

Perban keleng ateNdu jadikanNdu geluhku  
Meherga ras erguna desken batu permata **Reff : ...**  
----- Perpulungen kundul -----

**8. Ngoge Kata Dibata:** Johanes 8:12-20 (*logeken jabu kundulen*)

L Ketuahen kalak si megiken Kata Dibata dengen si makekenca  
i bas geluhna si teptep wari. Halleluya  
P Halleluya ... Halleluya ... Halleluya ... (iendeken)

**9. Renungen** (ibenai ras iujungi alu pertoton)

Kotbah : Jesaya 2:1-5

Tema : **Erdalan I Bas Terang Si Ibereken Tuhan**

**A. Kata Perlebe**

Tabehen kap erdalan bas terang asangkan bas gelap. Bagem oratna pengakap ras pengakunta kerina seh pe pendalankenta i bas kegeluhen si teptep wari. Enggo me bage dage kinata si jadi? Lako njabab penungkunen enda, labo kita erbelas terjeng erdalan njingkangkan nahe ndalani dalam ntah pasar si gedang ku juma, rumah, tiga, kantor, sekolah ras si debanna. Tapi kepe seh ku perbahanenta i bas kerina dampar kegeluhenta si kin e arusna jadi orat geluh kalak si enggo jadi bangsa Dibata. Dibata e me terang e maka ngasup Ia njadien terang dengen e me si pemena ijadienNa i bas doni enda (bdk. Kej. 1:2). IjadienNa terang e gelah ula gelap mesangat nutupi (erkuasa) i bas doni enda (bdk. Kej. 1:1). Selaku bangsa Dibata, kalak Kristen pe tentuna tetap min nggeluh i bas Dibata e maka enggo nggeluh kita i bas terang. Sabab tuhu mbelin kal perulihen kalak si erdalan i bas terang si ibereken Tuhan.

**B. Isi**

Kotbah: Jesaya 2:1-5

Jesaya (Ibrani: *Ysya'yahu* "YHWH e me keselamatan") e me figur utama i bas Kitab Jesaya, ia sekalak nabi Judea abad 8 SM. Ia idilo sebage nabi i bas tahun kematen raja Usia, sekitar tahun 740 SM. Jesaya ernubuat sekurang-kurangna 40 tahun i bas zaman raja Usia, Jotam, Ahas, ras Hiskia i bas Kerajaan Jehuda. Jesaya nitikberatken kiniteken man Dibata i bas situasi si sulit pe. Ia ernubuat la terjeng

---

ngukurken kesejahteraan si nterem tapi ngukurken dirina jine. E maka budaya korupsi, pemerasaan man warga semarak kal bas jaman si e. Kesuliten e erbahanca melala kalak Israel mate erkiteken perbahanen para pemimpin enda.

Kritik peduaken man nabi-nabi palsu. Nabi-nabi palsu menurut Miha e me nabi si la mperjuangkan kegeluhen umat Dibata tapi terjeng ngukurken dirina jine. Situasi si lit paksa e melala nabi terjeng fokus ku bas ritual si mementingkan persembahen. Man Miha arusna tugas nabi labo ngurusi terjeng persembahen tapi pe ernubuat, nuriken kebenaran Dibata man si nterem seh maka terjadi perubahen. Man Miha kengasupen ernubuat rehna bas Dibata nari. Tanda kuasa e rehna bas Dibata nari e me litna ukur si bujur dengen kinipangen nuriken kebenaran (ay. 8). Terdauhen pe nina Miha adi la lit pertobatan bas kalak Jehuda la banci lang jadi me kehancuren bas bangsa e.


Jeremia 20:9

Jeremia ngerana man Dibata erkiteken lit perjengilenna ras Pashur dengen iligasi kalak ia erkiteken perjengilen e (Jer. 20:1-2). Maka bas percakapen Jeremia ras Dibata kerina situasi e erbanca maka lit nge sura-sura Jeremia nadingken Dibata. Enda tentu sifat kemanusiaan Jeremia. Tapi min bage pe kata e bagi api si gurlah bas pusuh. Ertina lalap lit semangat amin gia tantangan e jelas nggo ialoken Jeremia.

Arah teluna bahanta enda si idah lit benang mereh e me upaya nuriken kebenaran. Paulus, Miha dengen Jeremia erjuang guna nuriken kebenaran Dibata. Bas situasi enda tantangan bas si enterem pe jelas kal ialokenna teluna. Tapi amin pe bage la e erbanca surut ukurna sabab kebenaran Dibata e nge jadi tujun ras tugas kegeluhen.

**C. PENGKENAINA**

Si pemena, semangat nuriken kebenaran i benai alu nandai kebenaran. Paulus berangkat arah status pendidiken si meganjang bas kalak Jahudi. Tapi kenca jumpa ia ras kegeluhen kalak Kristen sadar ia maka si benar iakapna e lanai benar sabab si benar e, e me Injil (Jesus Kristus). E maka adi ateta nuriken kebenaran mehuli kel





---

ku bas kekristenan. Man Paulus jelas enda sada hal si ertentangan sabab man Paulus konsep keselamatan e anugrah. Erkiteken keselamatan e rehna bas Dibata nari maka lanai lit syarat si deban si arus ilengkapi termasuk sunat gelah manusia banci selamat.

Ayat 5 Paulus ncahken integritasna seh maka la ia nggit sitik pe surut. Engkai maka Paulus la nggit surut tentu e erkawiten ras nilai-nilai kiniteken si nggo ibangun Paulus. Bagi si eteh situhuna Paulus kalak Jahudi si ididik alu pengertin si mbages kal kerna taurat. Tapi kenca pertobatenna lit perubahren pengertian si mbaru man Paulus. E maka Paulus amin gia itulak bahken iraguken kerasulenna tapi la e erbanca ia surut guna pepinter pengangkan perpulungen. Tantangan si mbelin arah perpulungen e la erbanca surut ukur Paulus. Sabab man Paulus kebenaran si utama e kebenaran Injil. Tentu melala kal pengangkan kerna kebenaran si berkembang bas perpulungen paksa si e. Termasuk pe pengajaren kerna sunat tapi man Paulus kebenaran situhu-tuhu e me kebenaran si rehna bas Injil nari. Injil tentu berpusat bas pengajaren Jesus maka alu kata si deban situhuna ate Paulus ngatakenca maka kebenaran si paling benar e me Jesus. Bicara lit pe pengangkan si mbaru, ntah uga pe sekali ibangun teori guna njelasisa tapi adi labo sendalanan ras Injil situhuna e pengajaren si salah bage me niakap Paulus.

Ayat 6-7. Iulahi Paulus maka kerna serayan si jadi pengkritik Paulus. Man Paulus status sekalak jelma la erndobah adi ikawitken ku keselamatan. E maka kebenaran Injil la erkawiten ise status sosial si mabasa, ise pe adi ibaba kebenaran Berita Si Meriah maka e me kebenaran. E maka menurut Paulus nuriken kebenaran e itugasken Dibata man kerina kalak. Termasuk Paulus pe kuasa si lit bas ia e reh bas Dibata nari si mereken perentah guna meritaken berita e man si la kalak Jahudi. Enda mempertegas maka berita keselamatan e memang ibereken man kerina jelma.

Miha 3:1-12

Nabi Miha ngeluh bas sekitar abad 8 SM i kerajaan Jehuda. Bas bahanta enda Miha secara tegas mereken kritik man piga-piga kelompok masyarakat. Sipemena man penguasa Israel. Kritik Miha e me kap cara penguasa mengelola kerajaan paksa si e. Penguasa labo

---


man kerina raja saja, tapi pe ia aktif i bas bidang politik. Jesaya make dua kata penting kerna Dibata e me: *Yahwe Sebaot (Tuhan semesta alam yang mempunyai segala kuasa di langit dan dibumi) dan Kadosy Israel (Sang Kudus Israel)*. Jesaya tek maka Dibata hadir alu aktif. Jesaya meteh maka Dibata make kekuasaan ras gegeh Asyur lako ngukum kalak Israel, tapi ia pe meteh maka kekuasaan ras gegeh Asyur ibatasi kekuasaan Dibata. Bage pe Jesaya nimai sekalak Mesias arah kesusuren Daud ([https://id.wikipedia.org/wiki/Kitab\\_Yesaya](https://id.wikipedia.org/wiki/Kitab_Yesaya)).

Jesaya 2:1-5 e me nubuat (sada berita si ipeseh si isina igenepi kenca piga-piga tahun banci puluhan, ratusan seh pe ribuan tahun tapi pasti terjadi. Berita i bas Jesaya 5:1-5 enda jadi i bas kerehen Jesus mulihken ku doni enda). Teks enda ibenai maka kai si isingetken i bas teks enda rehna idur Dibata nari (si mada kata) dengen isehken man Jesaya anak Amos (alamat kata) kerna Juda ras Jerusalem (Kerajaan Israel Selatan, dua suku e me Jehuda ras Benyamin. Ibukotana: Jerusalem).

Lit 3 (telu) bagin isi teks enda e me:

- Mengayak (ay. 2-3)

Bangsa-bangsa mengayak (erdemuyung) reh ku Jerusalem (kota dame, ingan si dem alu dame dengen banci pe kota dame rasa lalap), ku Sion, pusat kerajan dame (kota Daud ras pe kota Dibata). Sion ipake sebage kiasen bangsa Israel si igelari bangsa Dibata (Jes. 60:14). Peristiwa enda jadi i bas wari-wari si arah pudi pagin (bdk. janji kerehen Jesus mulihken). Inganna e me ingan Rumah Pertoton pajek (Jerusalem). Jerusalem lit i bas dataren tinggi i pegunungan Judea antara laut tengah ras laut mati, ketinggian 754 meter dari permukaan laut. Erkiteken kota enda lit i bas dataren tinggi e maka isuratken kata nangkeng lah kita ku deleng Tuhan. Kata nangkeng enda nuduhken lit i je perjuangan (ngasup latihan). Lebih latihan nge erdalan nangkeng asangkan ngincuah. Latihan tuhu erdalan ku Jerusalem erkiteken meganjang tapi jadi ketedehen ate erkiteken i Jerusalem pantek Rumah Pertoton e me si jadi ingan ndatken pengajaren. Kai sura-sura Dibata guna ilakoken bangsaNa ialoken i Jerusalem e maka pemerintahen Dibata total si jadi. Umputenna



---

bangsa Dibata banci erdalan i bas dalam si ipilih Dibata labo pilihan manusia jine nta pe pilihan iblis (gelap).

- Ulih (ay. 4)  
Ulih kenca pemerintahen Dibata pantek e me dame. Perjengilen i bas bangsa-bangsa idungi, e maka itepa kalak me pedangna jadi gigi tenggala (alat erperang salih jadi alat erdahin guna merdang) janah lembing jadi sabi-sabi ibahanna (alat erperang salih jadi alat erdahin guna rani). Lanai ndigan pe bangsa-bangsa lawes erperang, lanai ndigan pe ia ersikap-sikap ertempur (lanai lit sura-sura meneken kegeluhen kalak si deban. tapi si lit e me ngergai kegeluhen). E maka dame tuhu-tuhu si jadi.
- Pengajuk (ay. 5)  
Itutup nubuat enda alu kata pengajuk kempak kesusuren Jakob (bangsa Israel bage pe Israel si mbaru: kerina kalak si erkiniteken man Tuhan Dibata. Pengajuk enda isina e me marilah erdalan kita, i bas terang si ibereken Tuhan man banta. Erdalan ertina ndalani kegeluhen, berarti total kegeluhenta. I bas terang si ibereken Tuhan ertina ndalani kegeluhen lit i bas panduan idur Tuhan nari. Panduan kegeluhen bangsaNa enggo ibereken Dibata, e maka bangsa Dibata tetaplah erdalan i bas panduan e, e me terang. Kegeluhen lit i bas kinata kegeluhen anak-anak terang labo selaku anak-anak gelap (bdk. Ep. 5:3-14). E maka perlu ijaga ulanai min bangsa Dibata nilah i bas terang si ibereken Tuhan.

Ogen : Johanes 8:12-20

I bas teks ogen enda alu tegas iproklamirken Jesus diriNa e me terang doni. Seyakatan IA la lit terang doni. I bas IA lit terang e maka kalak si ernalem man baNa nggeluh i bas terang. Amin gia pernyataan Jesus enda itentang kalak Parisi tapi Jesus tetap paguh i bas pendiriNa (kekeh) maka IA me terang doni. Enda ibelasken Tuhan Jesus sabab IA me Dibata ulu dengen si mada terang e maka ngasup la njadikan terang (bdk. Kej. 1:2).

---

## 6. Kotbah (*ibenai ras iujungi alu pertoton*)

**Kotbah : Galati 2:4-7**

**Tema : Tetap Meritaken Kebenaren Berita Si Meriah**

### A. KATA PERLEBE


Salah sada kata bijak nina “ketika di satu tempat tidak ada kebenaran maka tidak akan ada kebaikan di sana”. Kata enda ngingetken maka kebenaran e arus lalap ilakoken dengen idalanken ijapape kita ringan sabab la lit kebenaran maka la lit kiniulin banci turah i je. Maka selaku kalak Kristen meritaken dengen ndalanken kebenaran jadi tanggung jabab selaku kalak si erkiniteken. Pekan Kebaktin Penatalayanen wari enda mabai kita perpulungen guna erngasupna meteh tugas tanggung jababta selaku kalak Kristen.

### B. PEBAGESI TEKS

Kotbah

Teks Galati 2:4-7 ituliskan Paulus guna ngelayasi pengangkutan perpulungen si menurut Paulus lit si la payo paksa si e. Pengangkutan enda turah arah jemaat Kristen si berlatar belakang Jahudi si erpengakap maka keselamatan banci ialoken adi aturen-aturen agama Jahudi tetap idalanken umpamana sunat. Pengajaran si la payo enda me si ate Paulus i pepayo sabab menurut Paulus keselamatan la nari lit urusenna ras ritual sabab keselamatan e situhuna anugrah bas Dibata nari. Erkiteken la akap kalak Jahudi pas kai siikatakan Paulus, e maka igaraina ka ukur perpulungen alu cara meragukan kerasulen Paulus. Enda me si jadi konteks bahan kotbah wari enda.

Ayat 4 Paulus make istilah kalak si pekulah kulah. Kata pekulah kulah enda ibuat i bas bahasa Junani *pseudadelpous* si banci iertiken saudara palsu, berpura-pura jadi kalak Kristen. Craig S Kenner (*Galatians : a Commentary*) ngatakan maka si nimaksud Paulus enda e me serayan si gelai perpulungen Galati. Tentu jadi persoalen kal adi kalak pekulah kulah e salah sada serayan si erdahin sabab ia ka si ngajar ia ka simabai papak si nterem. Ajaran si papak menurut Paulus e me kap kerna sunat. Jelas man banta maka sunat salah sada aturen agama Jahudi. Sunat jadi tanda keselamatan sikatakan Dibata man Abraham. Konsep enda me si ate piga-piga kalak Jahudi imasukken



- L Jesus kap terang si tuhu-tuhu, IA reh nerangi kerina manusia. Tapi megati denga kita la ngandalken Jesus e selaku terang geluhta. Si erbanca kita dungna nggeluh bas dosa.
- P Ngaku aku o Tuhan, megati la ku gelem kataNdu. Pengangkanku si terbatas enda megati ku andalken. Enda me si erbanca latih ku akap seh maka dungna gelap perdalanen kegeluhen. Kegeluhenku lanai meritaken kerna terangNdu. O Tuhan alami min aku
- L Marilah tole siakuken dosanta alu ras rende : KEE No. 355 (3x)  
*Alemi aku o Tuhan alami*  
*I bas dosangku, alemilah Tuhan*

#### 4. Berita Pengalami Dosa (Perp. Tedis)

- L La ate Dibata anak si ikelengiNa ndauh sirang bas IA nari. E maka ialemi Dibata me dosanta kerina bagi niNa "marilah maka si dungsi cakapta enda. Kam enggo erkubang-kubang ibahan dosa, tapi kuperidi kam maka bersih bagi salju. Aminna gia erkiteken dosabndu kam enggo mbiring bagi tengguang, mulihi kam jadi mbentar bagi kapas (Jes 1:18). Sikataken bujur man Dibata si nggo nasapken dosanta, si puji IA alu ras rende KEE No. 378 iendeken 3 x  
*O Tuhan reh aku kulebeNdu, nembah ras ngataken bujur baNdu*  
*Aku enggo itebusNdu, dosaku ialemiNdu*  
*Pulah me aku O Tuhan, bas iketen kuasa dosa*  
*Malem kel ateku Tuhan, nggo terkelin tendingku*

--- *Perpulungen kundul* ---

#### 5. Pengogen kata Dibata

- L Seh paksana kita ngoge kata Dibata si ni ibuat i bas Miha 3:1-12 (antiponal)  
Ketuahen kalak si megiken kata Dibata dengen si makekenca i bas geluhna si tep-tep wari. Halleluya
- P Halleluya... Halleluya.. Halleluya (iendeken)

Invocatio : Masmur 105:39

Teks invocatio nuriken maka Dibata erbahan sikap geluh bangsaNa. IkimbangkenNa sada embun ibabona segelah ula iparpari las matawari dengen iberekenNa sada api si erbahan terang segelah ula ia jongkang. E maka ntabeh niakap bangsa Dibata erdalan nuju taneh perpadanen.

Kawiten kotbah, ogen ras invocatio e me: terang enggo ibereken Dibata kempak bangsaNa. E maka bangsa Dibata tetap min erdalan i bas terang e sabab mbelin kal ulihna.


#### C. Pengkenaina

Hidup adalah pilihan. Khususna pilih terang ntah gelap. Selaku anak-anak Tuhan, mari si pilih terang. Pilihenta tetap nggeluh ras Jesus selaku terang doni. Tetap kita ndalani kegeluhen si ibereken Tuhan man banta segelah la kita tertuktuk dengen jongkang. Sabab lit batu-batu, runga-runga e me peraten daging si erbahan kita banci nggeluh i bas gelap bage pe lit kuasa iblis si mabai dengen ngawin kita nggeluh i bas gelap. Metengetlah kita.

Tanda-tanda kalak si nggeluh i bas terang isingetken i bas wari peduaken seh pepituken Pekan Kebaktin Penatalayanen enda e me:

- Wari peduaken ndalanken peraten Tuhan. Nggeluh rikutken peraten Tuhan i bas jabu e me nggeluh ersada perarih.
- Wari petelukan erkemalangen man Dibata. Lit kiniersadan ukur i tengah-tengah perpulungen.
- Wari peempatkan mehamat man Tuhan. Ngelakoken si mehuli bagi si ngena ate Tuhan.
- Wari pelimaken terang perlu i bas gelap. Jadi terang i bas PEMILU.
- Wari peenemken keleng ateku kam. Ngkelengi kalak si deban selaku pemere/anugerah man banta.
- Wari pepituken tetap meritaken kebenaran Berita Si Meriah. Nuriken si payo i bas kerina paksa.

Tangkas maka wari pemena seh pepituken Pekan Kebaktin Penatalayanen enda tuhu-tuhu erkawiten. E maka mehuli kal si ikuti kerina gelah kuh pengertinta kerna erdalan i bas terang si ibereken



Tuhan. Ulih erdalan i bas terang si ibereken Tuhan e me dame tuhu-tuhu geluhta. Dame e me si banci sibagiken i bas jabunta, keluarganta, perpulungenta ras masyarakat si rulo. Si mbelinna kal e me dame si rasa lalap. Ernanam kita i bas doni dengen si nanami kegeluhen si rasa lalap i surga.

Pekan Kebaktin Penatalayanan ilakoken tep-tep tahun dengen e me menai kerina kegiatenta i bas sektor-sektor/PJJ tujunna e me ningetken anggota GBKP segelah reh ngasupna menatalayanken kegeluhen rikutken talenta ras kiniliten nggeluh. Sendalanan ras si e, erkawiten ras sasaren pelayanen GBKP tahun 2023 jemaat menjadi pelaku akif pelayanen, maka kerina anggota GBKP tetap min muat bagin i bas kegiaten gereja rikutken minat pelayanenna. Bage pe erkawiten ras sasaren pelayanen GBKP tahun 2024 berkarya dan berguna untuk orang lain, GBKP i bas kerina wilayahna muat bagin guna kiniulin masyarakat si rulo subuk arah program, keuangan bage pe arah suara kenabian. Em si jadi tanda maka GBKP enggo jadi sira ras terang i bas doni enda.  
Soli Deo Gloria.

---- Perpulungen tedis ----

## 10. Pengakun Kiniteken

---- Perpulungen kundul ----

## 11. Persembahen

- a. Seh paksana kita ngatakan bujur man Dibata arah persembahenta. Kata Dibata si jadi palas man banta e me kap: "Ngatakan bujur e me persembahen si pehagaken Aku janah si patuh ngikutken Aku tentu Kukelini" (Msm. 50:23).
- b. Tupung kita ngendesken persembahen pengatakan bujurta man Tuhan, ras kita Rende KEE No. 303: 1, 2  
O Jesus Kam terang geluhku, Kam me si 'ngkelini tendingku  
La kap lit si man kebiarenku  
O Jesus Kam me kap bentengku, e maka na la lit gentarku  
Amin lit si jahat nderpa aku  
**Reff :**  
O Bapa dengkeh pemindonku, lit kap sada sura-surangku  
Atan min aku i bas rumahNdu, segedang geluhku

Perkuah ate Tuhan Jesus Kristus, kekelengen Dibata Bapa ras kerembaken Kesah Si Badia ras kita (kam) kerina gelah, Amin.

P Amin.. Amin.. Amin.. (iendeken)

## 2. Invocatio

L Tapi tupung kukataken, "Kulupakenlah TUHAN, lanai aku ngerana i bas gelar TUHAN," e maka KataNdu desken api, si gurlah i bas pusuhku. Ngutkut i bas tulanku. Kucubaken sinik, tapi la tersinikken aku (Jer. 20:9).

Meriah ukurta ngaloken kata Dibata, mari si puji Tuhan alu ras kita rende KEE No. 322:1-2

Sipembarken B'rita Si Meriah si tertaban banci pulah  
Si pentang jadi erpengidah rakatlah min ersembah  
Rakatlah ersembah

**Reff :** *Perban lias ate Tuhanku, gegeh dosa enggo talu  
Kuasa Kristus tangkas tridah, rasa lalap pujilah*

Sipembarken B'rita Si Meriah kuasa iblis talukenlah  
Si metakang min jadi robah, ngasamken kuasa pedah  
Ngasamken kuasa pedah **Reff: ...**

--- Perpulungen kundul ---

## 3. Responsoria Kinilangasupen jadi terang

L Dibata kap ulu terang. nina Jesus "Aku kap terang doni ise si ngikutken Aku, ialokenna me terang si mereken kegeluhen, janah lanai ia erdalan bas gelap". Tapi bas kinatana melala denga kita si nggo ngaloken terang e tapi erdalan denga bas kegelapen.

P Ngaku aku o Tuhan, megati denga aku la erdalan bas terangNdu. Doni enda mereken melala tawaren si megati mabai aku erdalan ku si gelap. O Tuhan alemi min aku

L&P *(Ngendeken KEE No. 355 1x)*

*Alemi aku o Tuhan alemi*

*I bas dosangku, alemilah Tuhan*



---

**LITURGI RAS RENUNGEN**  
**PEKAN KEBAKTIN PENATALAYANEN GBKP**  
**WARI PEPITUKEN, Sabtu 27 Januari 2024**

**I. PERSIKAPEN**

Pengurus PJJ nikapken kerina keperluan ibadah.

**KATA PENARUH**

Mejuah-juah man banta kerina senina ras turang kekelengen ni Tuhan. Wari enda jadi wari pepituken i bas Pekan Kebaktin Penatalayanen Tahun 2024. Enem wari enggo kita ibabai ngangkai kerna uga kin situhuna jadi terang, erguna dengen berkarya subuk bas jabu, gereja ras masyarakat. Maka wari enda tole i bas pendungi Pekan Kebaktin Penatalayanenta ibabai kita maka kita, kalak si tek, e me terang. Tanda kita me terang ibabai kita maka i bas kerina dampar kegeluhenta, kita meritaken kebenaran Berita Si Meriah. Gelah alu bage ijabape kita, kai pe pendahin dengen jabatenta, kai pe statusta, kebenaran e jadi identitasta.

Guna menai kebaktinta mari sitotoken serayan Tuhan si mabai kebaktinta wari enda ras kita ertoto

Si puji Tuhan ras kita rende KEE No. 278:1,3 (*Perp. Tedis*)

1. Kudahi rumah persembahen, segelah aku jumpa Tuhan  
Ban IA sumbul keriahen, nggo breNa bangku kesangapen  
**Reff** : *Ersada me anakNdu krina bas kiniteken tetap paguh*  
*Bagem biak anak Dibata, tetap nembah ras muji gelarNdu*

3. Begikenlah kata Dibata, em kap si nerangi geluhta  
Jadikanlah wari-warinta, penembahenta e man baNa **Reff** : ...

**II. KEBAKTIN**

**1. Votum ras salam**

- L Pekan Kebaktin Penatalayanen wari pepituken enda ibenaken i bas gelar Dibata Bapa ulu kebenaran, i bas gelar Jesus Kristus usihenta i bas ndalanken kebenaran ras i bas Kesah Si Badia si nampati kita (kam) guna meteh si benar.

O Jesus Kam terang geluhku, Kam me si 'ngkawali aku  
I bas paksa lit kesusahenku  
O Jesus ajari min aku, gelah nggeluh ngikut p'ratenNdu  
Arah dalam salang babai aku **Reff** : ...

- c. Pertoton Persembahen ras Sapaat
- Kerna persembahen
  - Gelah kerina ngawan perpulungen GBKP tetap erdalan i bas terang si ibereken Tuhan
  - Gelah gerak sasaren pelayanan GBKP tahun 2024 berkarya dan berguna untuk orang lain banci erdalin alu mehuli i bas wilayah sinode, klasis ras runggun.
  - Kerna jabu kundulen wari enda ras wari pepagi
  - Kerna si turah i bas perpulungen

---- **Perpulungen tedis** ----

**12. Tekad Tetap Erdalan I Bas Terang Si Ibereken Tuhan**

- L Tetaplah nggeluh ersada ras Jesus sabab Ia kap terang doni  
P Erpadan aku Tuhan tetap nggeluh ersada ras Kam segelah aku nggeluh i bas terang.
- L Tetaplah nggeluh i bas terang si ibereken Tuhan segelah dame si rasa lalap jadi si kerajangenndu.
- P Erpadan aku Tuhan tetap nggeluh i bas terang si iberekenNdu. Dame me geluhku, jabungku, perpulungen ras masyarakat. Amin.
- L Tetap ukurta erdalan i bas terang si ibereken Tuhan, e maka si puji Ia alu rende KEE No. 286: 1, 4  
Ku ikutken me dalamNdu, dalam dame man bangku  
Terkelin me kap geluhku, itebusi darehNdu  
**Reff** : Ku ikutken me dalamNdu, kuendesken geluhku  
Bas Kam o Jurus'lamatku, dame senang tendingku  
Kupetatap me ukurku, nggeluh bujur ras tuhu  
B'reNdu usihen man bangku, puji sembahku baNdu **Reff** : ...

**13. Pertoton Tuhan**



---

#### 14. Pemasu-masun

- L Mulihlah alu dame ras mejuah-juah, tetaplah kita (kam) erdalan i bas terang si ibereken Tuhan. Guna jadi gegehta (ndu), alokenlah pasu-pasu idur Dibata nari:  
**“Ipasu-pasu janah ikawali Dibata kita (kam), siang ayo Dibata ersinalsal ibabonta (ndu), janah melias ate-Na ngenehen kita (kam). Itatap Dibata ku kita (kam), janah malem ateta (ndu) ibahan-Na.” Amin.**
- P Amin ... Amin ... Amin ... (iendeken)

#### III. Diskusi

1. Perayaken gerejanta bagi tersurat i bas Garis-garis Besar Pelayanan (GBP) tahun 2021-2025 rikutken sasaren pelayanan GBKP tahun 2023 jemaat menjadi pelaku aktif pelayanan, nuate 70% min anggota GBKP terlibat aktif i bas kerina kegiatan gereja. Rikutken pengidah maka perayaken enda lenga tersehi. Erkawiten ras tema i bas wari pemena Pekan Kebaktin Penatalayanan enda erdalan i bas terang si ibereken Tuhan, kai nge si akap sababna maka perayaken e lenga tersehi?
2. Sasaren pelayanan GBKP tahun 2024 e me berkarya dan berguna untuk orang lain. Enda nuriken maka GBKP lanai ngenca erdahin ras erguna terjeng anggotana saja tapi pe guna kempak jelma si nterem (masyarakat si rulo). Kai banci silakoken si jadi tanda gereja erdahin ras erguna nandangi jelma si nterem i bas lingkunganenta?  
Kenca enggo si data mehuli kal di kune lit minter silakoken.

**Pdt. Christopher Sinulingga, M.Th.**  
**HP/WA : 081376291768**

---


#### 15. PEMASU-MASUN

- L Bengketilah kegeluhendu si dem alu keleng ate si enggo ialokenndu i bas Kristus nari guna ielakenndu man kalak si deban. IpengasupNa kam alu pasu-pasuNa ‘Kempak taneh si muas, Kuamburken me lau, kempak taneh si kerah Kubahan lau maler. Kukuseken me KesahKu man anak-anakndu ras pasu-pasungKu man kesusurenndu’ (Jes. 44:3) Amin
- P Amin, amin, amin..... (iendeken)

#### DISKUSI

1. Kai nge si jadi palas i bas perukuren Daud seh maka idaramina anggota keluarga Raja Saul dingin nehken keleng ate?
2. Turiken bentuk keleng ateta si banci sidadahken, silakoken man isi jabunta, teman perpulungenta bage pe kalak si deban? Lakokenlah!

**Pdt. Suenita br Sinulingga, M.Th.**  
**HP/WA : 081397380916**



## 12. PERTOTON PERSEMBAHEN RAS SAPAAT

1. Persembahen
2. Gelah perpulungen ngasup nggejabken cara Dibata i bas nehken keleng ate i bas kegeluhenna
3. Ngasup rukur ras ngkelengi kalak si deban, la saja jabu, sangkep geluh tapi pe kalak si merluken penampat
4. Jabu ingan pulung sendah ras si pepagi
5. Siturah i bas perpulungen

## 13. PERPADANEN (Perp. Tedis)

- L Enggo iidahndu perbahanen si mehuli ras keleng ate si ilakoken kalak si tek i bas sejarah kegeluhen enda.
- P Kubuat ateku baginku i bas nehken ras naksiken keleng ate si enggo kualoken i bas Dibata nari
- L Alu ngelaken kekelengen nandangi doni enda, geluhndu jadi pasu-pasu i bas kerina paksa-paksa si lit
- P Erpadan aku Tuhan ngelaken geluh si dem kekelengen i bas kegeluhenku
- L Si pepaguhi perpadanenta man Dibata alu nehken puji-pujin arah KEE No. 451:1,2  
Malerlah pasu-pasuNdu bagi ni padankenNdu  
Gegeh ras ukur si paguh tetap iberekenNdu  
**Reff** : Pasu-pasuNdu em ulu gegeh kami  
Enggo kap maler me tuhu si ndemi geluh kami
- Malerlah pasu-pasuNdu gluh kami jadi mbaru  
Sorana bagi lau maler mpeteneng ukur kami  
**Reff** : ...

## 14. PERTOTON TUHAN

## LITURGI RAS RENUNGEN PEKAN KEBAKTIN PENATALAYANEN GBKP WARI PEDUAKEN, Senin 22 Januari 2024

### I. PERSIKAPEN

Ngaturken si ertugas ras perlengkapen guna kiniraturen kebaktin

### II. KEBAKTIN

#### 1. Kata penaruh ku bas kebaktin (ibabai serayan Tuhan/Runggun gereja)

Turang ras senina i bas Tuhanta Jesus Kristus, ikataken kami mejuah-juah man banta kerina. Meriah ukurta dengen sikataken bujur man Dibata sabab erkiteken perkuah ateNa enggo kita itaruhkenNa bengket kubar wari peduaken i bas Pekan Kebaktin Penatalayanan GBKP tahun 2024 enda. I bas wari enda kita ipersingeti gelahna jadi terang bas keluarganta.

Mari dage si pesikap pusuh ras perukurenta gelah terpuji gelar Tuhan, si endesken dage dirinta, ende-enden pujinta rikut ras toto pengarapenta man Tuhan seh maka tangkas terang sura-sura Dibata man banta sekalak-sekalak. Mari si benai i bas pertoton.

#### 2. Ertoto

#### 3. Rende KEE No. 399 : 1-2 (Perp. Tedis/Ngendesken perlengkapen ibadah)

Mari surak muji Tuhan endesken 'nde-enden m'riah

O surga doni ersurak kerina.

Mari rende muji IA alu ukur si meriah

Puji gelarNa si Badia

**Reff** : La 'rngadi ngadi ku puji Kam Tuhan

Bas k'rina dampar kegeluhen

Ersurak m'riah pusuhku i bas Kam

Terpuji Tuhan rasa lalap.

**Dilaki** : Mari k'rina manusia sipuji dage Dibata

Rendelah ersurak 'lah kita k'rina



**Diberu** : Ersadalah ukurta e mujiken gelar Dibata  
Ersurak dage kita k'rina

**Kerina** : **Reff** : ...

#### 4. Votum – Salam

L I bas gelar Dibata Bapa si mada kuasa, i bas gelar Jesus Kristus si mada gereja, ras i bas gelar Kesah Si Badia si nampati manusia. Perkuah ate Tuhanta Jesus Kristus, kekelengen Dibata Bapa ras kerembaken Kesah Si Badia ras kita (kam) kerina gelah. Amin.

P A...min, A...min, A...min. (iendeken)

#### 5. Berita kerna perbahanen ras sura-sura Dibata (Invocatio)

“Adi lit si la mperdiatken kade-kadena, terlebih-lebih keluargana, enggo ipersokenna kinitekenna. Jahaten me ia asangken kalak si la tek man Jesus Kristus” (1 Tim. 5:8).

Erpalasken kata Dibata enda, si puji IA alu ende-endenta.

##### **Rende KEE 177: 1-2**

Kekelengen ni Dibata, kekelengen Badia  
Nusur kap ku doni enda, nemani manusia  
Jesus Kam me si Perkuah, bengketi pusuh kami  
AjariNdu kami gelah, 'lah gelarNdu terpuji.

Usekenlah min kesahNdu, sanga m'riah 'tah susah  
Cidahken kekelengenNdu, man gelemen kami 'lah  
Jesus Kam arapen kami, kekelengenNdu tetap  
Maka Kam lah teman kami, lalap seh rasa lalap.

#### 6. Puji-pujin Man Dibata (Mazmur 23:1-4) (Perp. Kundul)

L Tuhan kap permakanku, e maka la kekurangan aku.

P I bas mbalmbal si meratah, ipesenang-senangNa aku.

Dilaki Kempak lau si teneng permalerna, itegu-teguNa aku.

Diberu IpelimbaruiNa gegehku, ibabaiNa aku arah dalam si pinter erkiteken gelarNa.

L Aminna erdalan pe aku arah kelbung si gelap, la aku mbiar jumpa cilaka sabab Kam kap ras aku, o Tuhan.

P IkawaliNdu aku, desken permakan ngkawali biri-biri alu ciken ras kayan-kayanna.

Ngasup kita ngidah maka kiniulin sekalak jelma, kiniulin i bas dirinta mbelin mpengaruhu kiniulin kalak si deban. Sabab keleng ate desken sada iketen (lingkaren) sada ras si debanna la terpulahi. Bage pe bas perkadekaden kalak Karo, sada ras si debanna lit kawitenna sebage sangkep nggeluh. Kalak si deban si la lit pertalin dareh pe banci jadi teman meriah, teman sepenanggungan i bas kerina dampar geluh, si kedungenna ngkuhi kegeluhenta alu mehuli. Alu kata kunci keleng ate si lit i bas kita sisehken man kalak si deban. Bagi nina pepatah, sada imbang mbuesa tapi seribu teman kurang denga. Bage me kita ngelaken keleng atenta man nterem teman-temanta. Ije me geluhta jadi pasu-pasu. Sikataken man teman-temanta, isi jabunta ras kalak si deban 'Keleng Ateku Kam' alu perbahanen keleng ate.

#### 10. PENGAKUN KINITEKEN

(Perp. Tedis)

#### 11. PERSEMBAHEN

(Perp. Kundul)

L Mari si sehken persembahen pengataken bujurta man Dibata si enggo masu-masu kegeluhenta. Palas kata Dibata si njemba kita maba persembahen isingetkeni bas Masmur 116:17 'Kubaba ateku baNdu persembahen pengataken bujurku

P Janahku ertoto man baNdu

L Sibaba persembahenta man Dibata alu ngendeken KEE No. 282:1,3

Ku kataken bujur baNdu, o Kam Tuhan penebus

Aku enggo s'lamatkenNdu, arah lias ateNdu

**Reff** : Keleng kal ateNdu aku

Simpar kap ngaruhNdu bangku

Lias ateNdu lanai terpilasi

Ku puji Kam teptep wari

Arah perkuah ateNdu mejuah-juah aku

Senang me kapen geluhku kupujilah gelarNdu **Reff** : ...





- Keluarga besar Siba erdahin guna kempu raja Saul e me si Mefiboset. Ia me si ngurus ras ngaturken erta tading-tadingen Saul. Perbahanen Daud man Mefiboset mbelin ka nge ulihna man Siba ras keluarga besarna. Ertina, kesetian sekalak jelma maba ras mereken kegeluhen man bana. Cara Tuhan ngaturkenca pe la terukuri manusia. Ise pe banci ipake Tuhan guna ngelakoken perbahanen si mehuli man sekalak jelma, janah i bas hubungan sada ras si debanna (lit kawitenna) mpehuliken kegeluhen manusia. Bagenda me cara Daud ncidahkan ras nehken keleng atena man kesusuren Saul.


Peraturen ras nilai-nilai keleng ate e enggo me lit radu ras kegeluhen doni enda. Megati jadi, la ngasup manusia ngkuasai diri ras sura-surana seh maka keleng ate e mate i bas geluhna. Bage me i bas ogen si nuratkan maka keleng ate ras nehken kekelengen e labo perentah si mbaru. Tapi i bas perpadanen si mbaru me ipersingeti mulihi kerna perentah enda. Keleng ate Jesus Kristus me si jadi nilai si mbaru si arus lit i bas kegeluhen kalak si tek. Sabab iulihni Jesus man ajar-ajarna i bas Johanes 13:34-35. Ijenda me kuasa terang e enggo naluken kegelapen si banci muniken keleng ate si mbelin e.

Pendilo man warga GBKP, nggeluh sikeleng-kelengen bagi si ersenina sabab kegeluhen selaku 'keluarga' me si jadi palas keleng ate si mbelin e. I bas keluarga me sada ras si debanna si elan. E maka pegeluh ras pebelinlah nggeluh i bas iketen padan si mbaru e alu bage ngasup kita ngergai kalak si deban uga ia litna. Keleng ate i bas keluarga labo erkiteken iketen dareh, i bas jabu orangtua ku anak bage pe sebalikna (kasih storge), labo ka erkiteken ngena ate si pejumpaken dilaki ras diberu i bas perjabun (kasih eros) ntah pe keleng ate pertemanen si megati lebih asa keluarga si kataken kita teman meriah ntah pe teman sepenanggungan (kasih philia). Keleng ate si i bas iketen si mbaru e me keleng ate si la ersimulih, la ersarat, keleng ate si enggo ibahan Jesus jadi usihen (kasih agape).

- L Rende KEE No. 386:1-2**
- Kerina** Tuhan kap permakan geluhku, maka la kekurangan aku I tengah mbalmbal si meratah, geluhku ipesenangkenNdu
- Dilaki** O Tuhan Kam penalemenku temaniNdu i bas dalanku Tuhu malem teneng tendingku, perbahan Tuhan temanku
- Kerina** Kempak lau si teneng malerna, i tegu-teguNdu geluhku PelimbaruiNdu gegehku, dalam pinter babaNdu aku
- Diberu** O Tuhan Kam penalemenku temaniNdu i bas dalanku Tuhu malem teneng tendingku perbahan Tuhan temanku.

### 7. Kinata Kegeluhen Manusia

- L** Perpulungen ni Tuhan, keleng kal ate Tuhan nandangi jabunta. IberekenNa tanggungjawab man banta gelah sisehken bas kegeluhenta.
- P** (Rende Reffrein KEE No. 462)  
Sampat aku Tuhan, sampat aku Tuhan  
Sampat aku Tuhan, sampat o Bapa.
- L** Megati denga kita lupa nandangi tanggungjababta sinibereken Dibata man banta sierbahanca hubungenta pe la mehuli ras Dibata. Alemilah kami Tuhan.
- P** (Rende Reffrein KEE No. 462)  
Sampat aku Tuhan, sampat aku Tuhan  
Sampat aku Tuhan, sampat o Bapa
- Kerina** Ngaku kami Tuhan, melala denga kal kesalahan sinibahan kami si erbahanca tanggungjawab e la idalanken kami.
- L** **Mari dage siakuken dosanta arah ende-endenta KEE No. 462 :1-2**  
Jesus Tuhanku penalemenku  
Lalit gegehku, sampatilah aku  
Sampat aku Tuhan, sampat aku Tuhan  
Sampat aku Tuhan, sampat o Bapa  
Jesus Tuhanku penalemenku  
Aru ateku ku 'ndesken man baNdu  
Sampat aku Tuhan, sampat aku Tuhan  
Sampat aku Tuhan, sampat o Bapa.



## 8. Berita Pengalami Dosa

(Perp. Tedis)

L Turang ras senina, kenca si akuken salah ras lepakta man Dibata, e maka selaku persuruhan Dibata, aku nehken kataNa man banta (ndu) kerina, nina Dibata: “Kutamaken me Undang-undangKu ku bas pusuhna, janah Kusuratken me ku bas ukurna.” Tole niNa, “Kulupaken me dosa-dosana ras perbahanenna si jahat” (Heb. 10:16b, 17).

Meriah kal ukurta erkiteken salah lepakta enggo ialemi Dibata. E maka sidadahken keriahen ukurta alu ngendeken KEE No. 183 : 1-2

Kekeken ngikut Jesus, nen kayu silangNa

Angkatken panji Raja, ikutkenlah IA

Arapkenlah gegehNa, ‘di berkat erperang.

Ban Jesus me temanta, tentu kita menang

Kekeken ngikut Jesus, begi pendiloNa

Ras alu ate tutus, pujilah gelarNa.

Musuh man lawanenta, kuasa si gelap

Lalit kebiarenta, ras IA menang kap

---- (Perp. Kundul) ----

## 9. Ngoge Kata Dibata si pemena : Masmur 133 :1-3 (iogeken si mada jabu)

L Ketuahen kalak si megiken Kata Dibata dengen si makekenca i bas geluhna si teptep wari. Haleluya.

P Haleluya... Haleluya... Haleluya... (iendeken)

## 10. Renungen (ibenaken ras idungi alu pertoton)

**Kotbah : Epesus 6:1-4**

**Tema : Ndalanken Peraten Tuhan**

### A. KATA PERLEBE


Kegeluhenta wari enda maba ngaruh ku kegeluhenta kulebe wari. Arah kata enda nuate kerina kita mpesikap kegeluhenta segelah pagin sialoken kegeluhen si mehuli. Guna sie arus kita ndalanken peraten Tuhan. Sabab arah kita ndalanken peraten Tuhan ije me si mehuli banci turah janah banci inanami la terjeng man dirinta jine, tapi pe seh ku jabunta, keluarganta, gereja ras pe masyarakat. Kai kin peraten Tuhan e ? Mari sipebagesi bas renungenta enda.

ngkuasai kegeluhen kalak si tek, warga GBKP seh maka banci geluhna jadi terang i tengah kegeluhen masyarakat la saja gereja, budaya ntah pe negara tapi kuh, kegeluhen si holistic.

Erlajar arah kegeluhen Daud si enggo jadi raja, la kepe ‘mencabut’ ia i bas biak si mehuli si lit i bas dirina. Labo ia sekalak raja si ‘lupa kacang akan kulitnya’ ntah pe lupa diri. Orientasi geluhna la saja diri ras keluarganya tapi pe keluarga kalak si deban. La saja nampati ntah mperdiateken si lit tapi kidaram ia, ise si perlu ras banci ngaloken keleng ate rikut penampat si banci isehkenna.

Perbahanen si mehuli ntah pe keleng ate si nuate isehken labo erkiteken kiniulin ntah pe mbalas perbahanen sekalak jelma tapi erkiteken kiniulin ras padanna man Dibata. Alu bage adi dasarna Dibata, padan, kiniulin Dibata pasti ulihna luar biasa, keleng ate si mpegeluhken, nemangati janah pasti malem ate kalak si nehkenca bage pe singalokenca. Arah si tersurat i bas kitab 2 Samuel enda:

- Pertemanen Daud ras Jonatan anak Saul, jadi sada persinget man bana kerna kesusuren Saul, Daud ndarami sima-sima, kesusuren keluarga raja sope ia. La lit sura-surana ngkernepken kesusuren raja sope sie, i bas erti mbiar ia jadi ancamen ku lebe wari enda. Perukuren sie pasti turah arah sada penggejapen, kerina si alokenna genduari perbahan perkuah ate ras pemere Dibata. Labo ban beluh, gegeh ntah pentarna alu bage labo ia mbiar ibuat kalak baginna. Si sikerajangenna labo banci bene, adi Dibata merekenca, si kerajangen kalak tanggungjawabna guna nehkenca.
- Tutus ate ndarami, seh maka jumpa ia ras Siba pelayan keluarga Saul, si maba ia jumpa ras Mefiboset kempu Saul. Isehken Daud keleng atena alu ngulihken man kesusuren Saul taneh sikerajangen nini-ninina (kenca Daud jadi raja, kerina sikerajangen Saul jadi sikerajangenna) dengen banci ia ngenanami pelayanen i bas istana (man ras raja). Daud la merangap, kerina sura-sura si mehuli la itunda-tunda Daud, ilakokenna alu mehuli (totalitas). Isikapkenna fasilitas, itugaskenna man pelayan ras keluarganya guna ngerawat Mefiboset ras kerina erta keluarganya.



## 7. MPETETAP UKUR JADI TERANG I BAS KEGELUHEN

L Dibata meteh ukur ras keleng ate si turah i bas pusuhndu. IpengasupNa kita (kam) guna ngelaken kekelengen i bas kegeluhenta. Jadi terang i bas kegeluhen sangkep geluh bage pe masyarakat ija kita ringan. Nina Dibata man banta kerina 'Aku tetap negu-negu kam dengen mesuri kam alu si mehuli. Kubahan Kam tetap megegeh ras mejuah-juah. Kam desken peken si la kurang lau, desken sumbul lau si la pernah kerah' (Jes. 58:11)

Sipuji Tuhan si nikapken pasu-pasuNa man banta kerina, siendeken KEE No. 402:1,3

Perban keleng ateNdu tebusiNdu geluhku

Alu mambur darehNdu geluhku jadi mbaru

**Reff:** Asa ngasup gegehku kuikut kataNdu

Jesus kam si perkuah kupuji ras ku sembah

Perban keleng ateNdu jadikanNdu geluhku

Meherga ras erguna desken batu permata, **Reff:** ...

--- Perp. Kundul ---

## 8. NGOGE KATA DIBATA SI PEMENA : 1 Johanes 2:7-10 (iogeken si mada jabu)

L Ketuahan kalak si megiken kata Dibata dengen si makekenca i bas kegeluhenna si teptep wari. Halleluya

P Halleluya, halleluya, halleluya (iendeken)

## 9. KOTBAH (ibenai ras iujungu alu pertoton)

**Teks : 2 Samuel 9:1-13**

**Tema : Keleng Ateku Kam**

Keleng ateku kam, sada kalimat si semal kal si belasken ntah pe si begi. Penungkenen man banta, bagi bagesna ertina enda kin si ibelasken kita e? Ntah terjeng kata ni belas nari nge, lanai mbages ertina. Kata keleng, jadi kata si malasi kerina kegeluhen kalak si tek. Kata keleng jadi sada kata si mbisa si ngasup ngubah ras mpetetap ukur nterem jelma. Kata keleng, sada kata si erkuasa, ergegeh, dem kiniulin si lit i bas dirinta si alu meriah ukur atenta si elaken man kalak si deban, alu la ersarat, la nggalar, la nuntut simulih kai pe, pelin-pelin ukur mehuli. Bagenda me min si

## B. ISI

Epesus 6:1-4 ijenda Paulus nehken pedah kerna kegeluhen i bas jabu. Ayat 1 "O kam anak-anak, ikutkenlah ajar orangtuandu, sue ras peraten Tuhan sabab patut idalankenndu. Anak-anak (bahasa Junani *tekna/teknaevangelias*) ertina anak-anak Injil. Bage me kesemalen Paulus i bas ngelebu perpulungen paksa sie. Jadi anak-anak sinimaksud i bas ayat enda nuriken anak-anak arah kalak si tek man Kristus (anak-anak Kristen). Man anak-anak si bage ibereken pedah/perintah guna ngikutken ajar orang tuana. Iikutkenlah = taatilah (bhs. Indonesia) = *hupakouete* (bhs. Junani) ertina enda sada kearusen, sada kebenaren, sada keadilan i bas Dibata si arus idalanken. Janah nina Paulus "sabab patut idalankenndu" (bhs. Junani en kuriou) si ertina "di dalam Tuhan". Jadi perlu si inget maka Paulus nehken kata pedah enda guna anak-anak kalak si tek gelahna nggit ngikutken ajar orangtua **ija pengajaren e sue bagi peraten Dibata** sabab e me si patut guna isehken. Paulus alu telkas nehken pedah enda man anak-anak gelah ngikutken ajar orangtua labo terjeng guna memenuhi standar selaku anak, tapi ngikutken ajar orangtua sada kewajiban si mendasar i bas Tuhan.

Ayat 2 Pehagalah nande-bapandu, enda nuriken uga situhuna perbahanen anak nandangi orangtua. Paulus ngatakenca maka anak-anak arus mpehaga orangtua. Pehaga orang tua enda alu engkelengisa, enghamatisa bage pe mereken koreksi i bas kesalahenna. Pehaga orangtua tentuna arus lit tindakan kritis ije, di kune orangtua e salah maka anak-anak pe banci nge mereken persinget si jadi tanda kehamatenna man orangtuana gelah orang tua tetap banci jadi sosok usihen si metunggun guna ipehaga.

Ayat 3 "gelah mejuah-juah kam, janah ndekah kam nggeluh i doni enda". Ayat 3 enda erkawiten denga ras ayat 2, ija tupung anak-anak e mpehaga orangtuana maka ulihna anak-anak e ndatken kejuah-juahen ras umur sikedang (kebahagiaan dan umur panjang) i doni enda.

Ayat 4, i bas ayat sebelumna maka pedah e man anak-anak guna ngikutken ajar ras pehaga orangtuana, maka i bas ayat 4 enda

nuriken kewajiben orangtua gelah ola mpesega-sega anakna si erbahanca ia merawa sabab e erbahan turah dosa nandangi anak-anak. E maka si jadi tanggungjawab orang tua e me i bas mpebelin-belin ia, ajari dengen tegu-tegulah anak e bagi si ngena ate Tuhan. Penting man ingeten tep-tep orangtua i bas negu-negu dengen ngajari anakna si jadi tolak ukurna e me si ngena ate Tuhan. Adi erpalasken konteks tupung si e pedah Paulus enda isehkenna man kerina perbapan si kin jadi pemimpin i bas jabu (imam jabu) sabab bapa ijenda ertanggungjawab penuh nandangi pengajaren man anak. Tapi Paulus memperluas makna alu kata orang tua (nande-bapa) si kin arus bekerjasama i bas nehken pendampingan man anak-anakna.

Alu bage pengajaren sinisehken i bas Epesus 6:1-4 e me erpalasken mbiar man Dibata gelah kai si jadi tanggungjawab anak bage pe orangtua idalankenna guna nehken perintah Dibata.

Lebih asa sie ogenta nuriken maka i bas ndalanken peraten Tuhan la saja nandangi jabunta (bapa, nande, ras anak-anak) tapi pe seh ku bas keluarganta (keluarga besar/ sangkep nggeluh). Peraten Dibata si sehken kita e me ersada perarih ersenina. I bas kiniersadan arih mpeturah kedamen ras pe pasu-pasu. Jadi si ingetlah maka ersenina ersada perarih ku je me Tuhan nehken padan pasu-pasuNa. Alu bage sendalanan ras bahan invocationta sinuriken kerna kalak si la mperdiateken keluargana kepeken jahaten me ia asangken kalak si la tek man Jesus Kristus, sabab sia-sia me ibahanna pengajaren kekelengen sinisehken man bana adi la idalankenna. Alu kata si deban ulanai kita ngaku kalak si erkiniteken man Tuhan adi perbahanenta la nehken peratenNa.

### C. PENGKENAINA

Jabu e me gereja si kitik. Alu bage gereja e perlu ijaga kebadianna arah kebiasaan geluhna. Selaku anak arus ngikutken ajar ras mpehaga orangtua enda me tanggungjawab anak i bas gereja si kitik. Janah orangtua la banci mpesega-sega anakna tapi i bas mpebelin-belinca arus maka iajari dengen itegu-tegu bagi si ngena ate Dibata. Enda me wujud pemeliharaan tanggungjawab gereja si kitik. Selaku keluarga besar rikutken sangkep geluhta si ermeriah ukur mpeturah

L Terpujilah Tuhan si ngaturken kegeluhen si mehuli gelah senang geluhta kerina. Sipuji IA alu ngendeken KEE No. 281:1, 3 Kek'lengen Jesus kempak manusia desken Dibata ngkelengi IA KekelengenNa maler kap man banta adi si pakelah pedahNa

**Reff** : Min sikeleng kelengen kita k'rina  
Bagi pedahkan Jesus bas Pustaka  
Sababna kai si pindo bas gelarNa  
Ib're Dibata man banta

Bas paksa kita nehken kekelengen, ola min siban ceda kempak teman Erban mehuli ola rahan ahan, 'lah kedamen jujurken Tuhan

**Reff** : ...

### 6. PENGAKUN KERNA KINILANGASUPEN JADI TERANG I BAS BUDAYA

L Itepa Tuhan kegeluhen rikut kuh ras teman sikeleng-kelengen. Tapi megati kami lupa maka teman si radu ras kami nggeluh subuk i bas kuta ingan kami tading, sangkep geluh si ibere Tuhan guna ngkuhi kegeluhen kami, la iperdiateken kami. Terjeng jumpa sidahi-dahin tapi langa mediate kami nandangi geluh ras perbebenna. Iasuhi kami biak ngukurken diri ras mpekena-kena jabu kami saja. Enggo dung iakap kami tanggungjawab kami. Kepeken melala denga kal si arus iperdiateken ras isampati kami. Labo erkiteken reh ia mindo penampat, gelah ikelengi, si arus ibahan kami ndarami kalak si kote gelah ipejore, gelah kalak si mberat babanna guna ipenahangi. Ula kal Kam ertaktak nandangi perbeben kami o Dibata.

Ulakal Kam ertaktak nandangi perbeben kami o Dibata

P Enda kami o Dibata, alemi i bas kinilamediaten kami. Sampati kami nimbak dosa gelah metunggun kami nehken ras ngelaken kekelengenNdu

L Siakuken kelepakenta iadepen Dibata arah KEE No. 59:1 (iulih 2 x)

Keleng ateNdu tangkas bangku si kupujiken lalap min  
Kam Tuhan Jesus me rajangku si erkeleng man bangku kin  
Madin keleng ateNdu kuinget asang k'rajangku me tersinget

--- Perp. Tedis ---



#### 4. VOTUM, SALAM, INVOCATIO

L Pekan Kebaktin Penatalayanen wari peenemken enda ibenaken i bas gelar Dibata Bapa si enggo nepa wari-wari guna si dalani alu mehuli. I bas gelar Jesus Kristus si jadi temanta i bas kegeluhen i bas tahun 2024 enda. Ras i bas gelar Kesah Si Badia singkuhi ras mereken kepentaren man banta nggeluh bagi si ngena ateNa.

Perkuah ate Tuhan Jesus Kristus, kekelengen Dibata Bapa ras kerembaken Kesah Si Badia ras kita (kam) kerina gelah. Amin.

P Amin, amin, amin (iendeken)

L Si keleng-kelengenlah kam bagi si ersenina. Si leben-lebenlah kam i bas mpehaga teman (Rom. 12:10)

Sialoi kata enda ndai alu muji Dibata i bas KEE No. 177:1,2

Kekelengen ni Dibata kekelengen Badia

Nusur kap ku doni enda nemani manusia

Jesus Kam me si perkuah bengketi pusuh kami

AjariNdu kami gelah lah gelarNdu terpuji

Usekenlah min Kesah Ndu sanga mriah tah susah

Cidahken kekelengenNdu man gelemen kami lah

Jesus Kam arapen kami kekelengenNdu tetap

Maka Kamlah teman kami lalap seh rasa lalap

--- Perp. Kundul ---

#### 5. DIBATA SI NEPA INGAN TADING RAS SANGKEP GELUH (bdk. Msm. 122:6, 8-9)

L Ertotolah gelah Jerusalem dame 'mejuah-juahlah kalak si erkeleng ate man bandu'

P Ertoto kami man baNdu o Dibata, si enggo ncibalken kami nggeluh itaneh ras kuta enda gelah dame kami nggeluh ijenda

L Erkiteken kade-kade dengen teman-temanku, ningku man Jerusalem 'Dame man bandu'

P Nggeluh kami alu kiniersadan arih, sada ras si debanna, teman-teman ras sangkep geluh kami guna sikeleng-kelengen kami kerina

kiniersadan arih ije me icidahkenna tanggungjababna. I bas tanggungjabab sinidalanken bagi si ngena ate Tuhan tentu sialoken me ulih si mehuli, mejuah-juah janah umur sigedang ras kesenangan. Marilah sidalanken peraten Tuhan e me alu nehken tanggungjababta masing-masing. Terpuji Tuhan. Amin.

#### 11. Pengakun Kiniteken (Perp. Tedis)

#### 12. Persembahen (Perp. Kundul)

a. Kata Dibata kerna persembahen

"Man kalak si engkelengi Aku, Ku bereken kebayaken melala, rumahna ku demi alu erta-erta si meherga" (Kua. 8:21)

b. Tupung si sehken persembahenta man Dibata, mari radu ras kita rende KEE No. 420:1-2

Asa gegeh ras kengasupen, kami nehken persembahen

Endesken kami baNdu Tuhan, alu dem keriahen

**Reff** : Ajari kami ngergaken, talenta ras kiniliten

Arah ukur ras perbahanen, Tuhan ipermuliaken

Simpar tuhu aloken kami, pasu-pasuNdu o Tuhan

KelengNdu igejapken kami, Kam kap si negu kami **Reff** : ...

#### 13. Pertoton persembahen ras sapaat

1. Persembahen (ibabai sekalak Moria)

2. Kerna tuan/nyonya rumah si jadi ingan pulung sendah ras wari pepagi (ibabai pengurus PJJ)

3. Gelah jabu-jabu ngawan perpulungen ndalanken peraten Dibata (ibabai sekalak Mamre)

4. Kerna si turah i bas perpulungen (ibabai Pdt./Pt. Dk.)

#### 14. Perpadanen man Tuhan (Perp. Tedis)

L Kekelengen ni Tuhan, melala kal tuhu perbahanen kekelengen Dibata sinialoken kita, sierbahanca turah gegeh kinitekenta.



P Meriah kal tuhu ukur kami Tuhan sabab kekelengenNdu e erbahanca kami paguh ngikuti Pekan Kebaktin Penatalayanen enda. Erpadan kami tetap ndalanken peraten Tuhan segelah tertata mehuli jabu kami bagi si ngena ateNdu.

L Dibata me ulu gegehta kerina, e maka tetaplah ngataken bujur dengen pujilah IA.

P Amin.

L **Sipeteguhi dage perpadanenta man Dibata arah ngendeken KEE No. 307:1-2**

O Tuhanku Kam me permakanku,

E maka la kekurangan aku

Ku mbalmbal m'ratah aku babaNdu,

Ipesenang-senangNdu geluhku

**Reff** : Permakanku si 'njayam geluhku,

Malem ateku senang tuhu

KelengNdu tetap maler man bangku,

Kam me Tuhanku Permakanku

IteguNdu kempak lau si maler, ibahanNdu ateku nggo malem

E maka tedeh ate tendingku, kempak keg'luhen si sikapkenNdu

**Reff** : ...

### 15. Pertoton Tuhan

### 16. Pengutusan ras pemasu-masun Tuhan

L Tetaplah geluhken kegeluhenta (ndu) i bas peraten Tuhan gelah terpuji gelar Tuhan si mada kuasa. Guna ndalanken si e, aloken dage pasu-pasu idur Dibata nari : "Dibata si mada perkuah ate, si enggo nenahken kita (kam) ku kemulianNa si rasa lalap i bas Kristus, njadiken kita (kam) serta, tetap, megegeh dengen paguh. IA nge si mada kuasa seh rasa lalap".  
Amin.

P A...min, A...min, A...min (iendeken)

## LITURGI RAS RENUNGEN PEKAN KEBAKTIN PENATALAYANEN GBKP WARI PEENEMKEN, Jumat 26 Januari 2024

### I. PERSIKAPEN

1. Nikapken kerina si iperluken i bas kebaktin
2. Ngaturken si muat bagin i bas kebaktin/pertoton sapaat

### II. KEBAKTIN

#### 1. KATA PENARUH

Mejuah-juah man banta kerina kekelengen ni Tuhan Jesus Kristus. Nggeluh jadi pasu-pasu e me pendilo man banta kerina gelah jadi terang, i bas kerina dampar kegeluhen. Terang e ersinalsal ku sekelewetta subuk i bas jabu, gereja, politik, budaya si enda kerina e me dampar kegeluhenta si la terpulahi sada ras si debanna. I bas wari si peenemken enda kita pe ipersiapkan tole guna ndalani tahun 2024 enda gelah terang e la nimpet tapi tetap banci jadi saksi i bas kegeluhen enda. Terang e teridah arah keleng ateta man kalak si deban, ija kita ndarami kalak si banci si sampati, ndarami ingan keleng ateta banci si amparken. Keleng ate si seh man kalak si merlukenca.

Mari sibengketi kebaktin enda alu tetap mindo kepentaren man Dibata si mada keleng ate, si empuNa kegeluhen arah pertotonta.

#### 2. ERTOTO

--- Perp. Tedis ---

#### 3. RENDE KEE No. 317:1-2

Sipuji Tuhan arah geluhenta, si inget tetap ngaruhNa banta Ban kleng ateNa nebusi kita terkelin kita sitek man baNa

Segedang gluhta inget Dibata bas krina paksa ngaraplah baNa Tetap ukurta rembak ras IA erban si 'rguna ola erleja

--(Ngendesken perlengkapan kebaktin man si mimpin kebaktin)--



---

### III. Diskusi

1. Ogelah sekali nari Matius 5:15, jannah kai nge si banci situriken sekalak-sekalak kerna perkatan Jesus enda?
2. Turiken kai-kai saja dage si man dalankenta subuk sebage pemilih ntah ipilih (calon legislatif) guna jadi terang i bas nerangi budaya politik/PEMILU?

**Pertoton kenca dung kebaktin (ibabai sekalak serayan)**

**Pdt. Melkisedek Sembiring, M. Th**  
**HP/WA : 082277725636**

---

### III. DISKUSI

1. Turiken tanggungjawab anak –anak man orangtuana !
2. Turiken tanggungjawab orangtua nandang anak-anakna !
3. Kai nge sierbahanca senang ukur i bas ersenina?

### IV. AKSI

Pilihlah sue bagi kecibalta masing-masing :

1. WA ken anak-anakta guna ngatakan “keleng ateku kam nak ku, buah barangku”.
2. WA ken teman senina ntah turang ta guna ngatakan “sikeleng-kelengen kita bagi si ngena ate Tuhan”.

**Pdt. Oktorina Br. Surbakti, M. Th**  
**HP/WA : 081376206662**



---

**LITURGI RAS RENUNGEN**  
**PEKAN KEBAKTIN PENATALAYANEN GBKP**  
**WARI PETELUKEN, Selasa 23 Januari 2024**

**I. PERSIKAPEN**

1. Nikapken kerina alat-alat kebaktin
2. Mpepulung si man totonken bas pertoton sapaat
3. Siusahaken maka anak-anakta pe ikut i bas kebaktinta enda

**II. KEBAKTIN**

**1. Kata Penaruh**

Salam ras mejuah-juah i bas gelar Tuhanta Jesus Kristus...  
Perpulungen si ikelengi Tuhan, sikataken bujur man Tuhan Dibata si enggo mabai ras naruhkan kita bengket ku bas tahun si mbaru enda alu dem keriahen ukur. IberekenNa kesehaten man banta kerina. ItuduhkanNa keleng ateNa si mbelin nemani ras engkawali kita kerina. Bagem kepeken kegeluhen kalak si erkemalangen man Dibata. Labo pernah kita itadingkenNa, tapi ijagai ras ikawaliNa kita segedang-gedang geluhta. Tentu sie kerina jadi dalam man banta ersaksi kerna perbahanen Dibata si mbelin bas kegeluhenta. Mari dage si pesikap pusuhtha **alu radu ras kita ertoto.....**

Si puji Tuhan Dibata alu radu ras kita rende arah ende-endenta:

--- (Perp. Tedis) ---

**KEE No. 278:1,3 “Ku Dahi Rumah Persembahen”**

*Kudahi rumah persembahen, segelah aku jumpa Tuhan*

*Ban Ia sumbul keriahen, ‘nggo b’reNa bangku kesangapen*

**Reff : Ersada me anakNdu k’rina, bas kiniteken tetap paguh**  
**Bagem biak anak Dibata, tetap nembah ras muji gelarNdu**

*Begikenlah Kata Dibata, em kap si nerangi geluhta*

*Jadikanlah wari-warinta, penembahenta e man baNa*

**Reff : Ersada me anakNdu k’rina.....**

L Jadilah terang i bas kegelapen. Jadilah usihen subuk arah pengerana, perbahanen, ras perukuren. Tutuslah i bas kebenaran dengen terteki.

P Erpadan aku Tuhan makeken hak ras tanggungjababku bagi si ngena ate Tuhan i bas ngalo-ngalo tahun PEMILU i bas negara kami enda.

L Terpuji dengen mulialah gelarNdu o Tuhan.

P Amin

L **Si peteguhi dage perpadanenta man Dibata arah ngendeken KEE GBKP No. 433:1, 3**

Ku sembah Kam bas geluhku o Tuhanku

PedahNdu me tetap jadi gelemenku

Dame geluhku adi ras Kam o Tuhanku

Lalit kebiaren malem tuhu pusuhku

Pasu-pasuNdu tetaplah min ras aku

Ukuri ras dalanken, tentu dat kesangapen

Kam min tetap si ngiani pusuhku

Kam min tetap si ngajari perukuren

Demi min geluhku alu lias ateNdu

Jadi trang si ersinalsal sekelewetku

B’reNdu gegeh man bangku, o Tuhan

**15. Pertoton Tuhan**

**16. Pengutusen ras pemasu-masun Tuhan**

L Tetaplah kita (kam) jadi terang si nerangi kegelapen. Pakekenlah hak ras tanggungjababndu bagi si ngena ate Tuhan i bas menyongsong PEMILU i bas negaranta enda gelah terpuji gelar Tuhan si mada kuasa. Guna ndalanken si e, aloken dage pasu-pasu idur Dibata nari: “I pasu-pasu janah ikawali Dibata kita (kam), siang ayo Dibata ersinalsal ibabonta (ndu), janah melias ateNa ngenehen kita (kam). Itatap Dibata ku kita (kam) janah malem ateta (ndu) ibahanNa”. Amin.

P A...min, A...min, A...min (iendeken)





Rende : **KEE GBKP No.420:1-2**

Asa gegeh ras ke ngasupen, kami nehken persembahen  
Endesken kami baNdu Tuhan, alu dem keriahen

**Reff** : Ajari kami ngergaken, talenta ras kiniliten

Arah ukur ras perbahanen, Tuhan i permuliaken

Simpar tuhu aloken kami, pasu-pasuNdu o Tuhan

KelengNdu i gejakpen kami, Kam kap si negu kami **Reff** : ...

### 13. Pertoton Persembahen ras Pertoton Sapaat

1. Persembahen (ibabai sekalak Mamre)
2. Kerna tuan/nyonya rumah si jadi ingan pulung sendah ras pagi (ibabai pengurus PJJ)
3. Gelah kerina perpulungen terteki i bas makeken hak ras tanggungjawab i bas menyambut PEMILU bage pe Gereja jadi terang guna mpeseh sora kenabin (ibabai sekalak Moria)
4. Gelah kerina calon pemimpin Legislatif (calon anggota DPR, DPD, DPRD Provinsi, ras DPRD Kabupaten/Kota) menomorsadaken kejujuren ras kebenaran, jenari terteki sue ras komitmen politik si ibelaskenna (ibabai sekalak Saitun)
5. Gelah kerina calon Presiden dan Wakil Presiden menomorsadaken kejujuren ras kebenaran, jenari terteki sue ras komitmen politik si ibelaskenna (ibabai sekalak Pertua/Diaken)
6. BAWASLU, KPU, Media sosial, pihak keamanan Polisi ras TNI erdahin alu mehuli ras ertanggungjawab (ibabai sekalak Permata)
7. I bas tahun PEMILU, Indonesia aman i bas ancamen kerusuhen, teror, ras teroris (Ibabai pengkotbah)

### 14. Perpadanen man Tuhan (Perp. Tedis)

L Sangap kal kita erkiteken kerina sipulung enda enggo ipelimbarui i bas kiniteken seh maka reh belinna kinitekenta kempak Dibata.

P Erpadan aku Tuhan nggeluh bagi si ngena ateNdu. Kami hadir sebage terang i bas proses pencerahen masyarakat, mengkritisi kebijakan ras mereken pertimbangan i bas pengambilan keputusan-keputusan politik.

### 2. Votum + Salam

L I bas gelar Dibata Bapa si enggo nepa doni enda, i bas gelar Jesus Kristus si enggo nelamatken manusia, ras i bas gelar Kesah si Badia si nemani ras engkawali manusia.

Perkuah ate ras dame i bas Dibata Bapa, i bas anakNa Jesus Kristus ras i bas gelar Kesah Si Badia. Amin.

P *Amin, Amin, Amin (iendeken)*

### 3. Invocatio

L *“E maka ola kam mela ersaksi kerna Tuhanta; bage pe ola kam mela kerna aku si ipenjaraken erkiteken Kristus. Tapi buat baginndu i bas kiniseran guna Berita si Meriah bagi ibereken Dibata man bandu gegeh guna sie” (2 Tim. 1:8)*

Sipuji Tuhan arah ende-endenta: **KEE No. 299:1,3 “Ngikut Tuhan Kin Atendu”**

*Ngikut Tuhan kin atendu persan silang*

*Ola sangsi ola mbiar ikutkenlah*

**Reff** : *Persan saja min silangndu ikut terus*

**Mulia me kal upahndu tetap tutus**

*Kune susah ‘tah mesera megenggenglah*

*Tuhan Jesus usihenta ikutkenlah **Reff** : ...*

*--- Perp. Kundul ---*

### 4. Pujin Man Dibata si Mada Kegeluhen Manusia

L Keleng ate Dibata mbelin kal man manusia. IberekenNa diriNa gelah manusia ngaloken keterkelinen bas kegeluhenna.

P Terpuji dengen termulialah Tuhan, si enggo mpetangkas keleng ateNa si mbelin man kami manusia.

L Alu kuasaNa si mbelin e, ikawali dengen ijagai Dibata kegeluhen kalak si tek man baNa.

P Terpujilah Tuhan, si tetap setia engkawali kami kalak si tek dengen erkemalangen man baNa.

L Si puji Tuhan : Rende **KEE No. 372:1-3 “Pujilah Tuhan si Badia”**

*Pujilah Tuhan si Badia, puji perbahanenNa si mbisa*

*Embus suling terompet cawir ban soraNa,*

*Puji Tuhan si mada k’rina tinepa*



*Suraklah o doni kerina, rende muliakenlah gelarNa  
Bujur perbahanenNa, la pedas merawa  
Puji Tuhanta i bas lias ateNa*

*O tendingku puji Dibata, alu dem keriahen pujilah  
Kerina si erkesah, la si madasa  
Puji Tuhan si Mada k'rina tinepa*

##### 5. Kinilangasupen Manusia Erkemalangen Man Dibata

L Ibereken Dibata gegeh man manusia gelah banci ndahiken dahin siniampeken Dibata man baNa. Tapi biak perukuren manusia, mabai ia makeken gegeh e rikutken sura-sura pusuhna.

P Ngaku kami Tuhan, gegeh siniberekenNdu e megati ipake kami guna si la mehuli. Ipake kami erjengil ras kalak si deban, ipakeken kami guna kepentingan diri kami jine. O Tuhan, alemi min kami...

L Dibata enggo nehken keleng ateNa man doni enda gelahna manusia ngasup makeken pemere i bas Dibata nari.

P Ngaku kami Tuhan, megati sura-sura pusuh kami namburi pengidah kami nandangi keleng ateNdu si mbelin e. Piah dungna lanai kami nggeluh erkemalangen man baNdu. Aemilah kami o Tuhan...

L Marilah siakuken tole kinilangsupenta ilebe-lebe Dibata arah ende-enda:

**KEE No. 440:1,3 "O Bapa Salah Lepakku Ku'teh Nge"**

*O Bapa, salah lepakku ku'teh nge*

*Dosangku pe rusur kuinget, man baNdu aku erdosa*

**Reff: Mekuah ateNdu min, erkiteken liasNdu**

**SasapkenNdu min, k'rina dosangku o Tuhan**

*O Bapa geluhku dem alu dosa*

*I bas bertin nari pe aku, enggo ikuasai dosa*

**Reff: Mekuah ateNdu min.....**

**--- Perp. Tedis ---**

perbahanen, pengerana, ras perukuren si gelap. Rikutken Konfesi GBKP BAB VIII kerna politik, maka gerejanta GBKP ngakui 5 dampar erkawiten ras politik: (1) politik e me kerina perukuren ras perbahanen guna mereken kejuah-juahen man ginemgem jelma manusia, (2) politik jadi ingan kesaksin ras guna majekken Kinirajan Dibata i tengah-tengah ginemgem manusia, (3) gereja nulak dirina jadi ingan partai politik nehken sura-surana, (4) i bas kegeluhen erpolitik gereja jadi sira ras terang subuk i bas nehken pengangkan man ginemgem jelma si enterem, nurihi kebijakan ras mereken pertimbangan i bas muat keputusan-keputusan poitik, (5) gereja idilo guna nikapken anggota ni perpulungen guna ikut ku bas kegeluhen erpolitik. Jadi terang bas budaya politik/ PEMILU i ertiken gereja jadi pembimbing rohani si lalit kepentingan politik praktis, tapi kehadiran gereja mengkritisi kebijakan ras mereken pertimbangan i bas muat keputusan-keputusan politik. Gereja mastiken maka kerina warga gereja ikut makeken hak sorana i bas PEMILU. Gereja si jadi terang bas politik arus melek politik ras megermet secara rohani. Gereja arus mereken pengaruh ku dunia politik arah sora kenabin para pemimpin gereja si pang ras aktif ngelakoken kontrol sosial ras nuanken nilai-nilai kristiani man jemaat guna tetap berkarya i bas dunia politik lako jadi sira ras terang i bas politik. Kita sebage pemilih arus makeken hakta, selektif, ngelakoken pengawasen, ras megermet nandangi calon pemimpin si ipilih. Sebage calon legislatif si ipilih, maka kita arus mengutamakan kebenaran, keadilan, ras kekelengen. Alu bage perulihen subuk arah kita sebage pemilih ras ipilih mereken terang si ngasup nerangi perbahanen, perukuren, ras pengerana si gelap. Seh maka politik lanai imaknai sebagai konotasi si buruk tapi politik jadi sarana guna kesaksin ras alat menghadirkan kerajaan Dibata (kebijuren, kedamen, keadilan jadi i bas kegeluhen).

**11. Pengakun Kiniteken**


**(Perp. Tedis)**

**12. Persembahen Pengataken Bujur**

**(Perp. Kundul)**

Kata Dibata Kerna Persembahen Pengataken Bujur :

Ngataken bujur e me persembahen sipehagaken Aku janah sipatuh ngikutken Aku tentu Kukelini (Msm. 50:23)



pemerintahan Romawi la erbahanca ia terganggu sabab ia sikap ras jore. Kenyamanan ras mementingkan diri sendiri erbahanca perbahanan si la ngena ate Dibata e pe jadi. Seh maka Yesus mendesak kalak Jahudi arus ngasup nerangi praktek si gelap. Subuk perbahanan, pengerana, ras perukuren arus bagi “kuta si lit i das uruk” si pasti teridah ras mereken dampak man kalak si deban. Janah man kalak Jahudi si jadi pelaku kegelapen (si ikut bergabung ras pemerintahan Romawi) isingetken Yesus kerna “labo isagani kalak lampu kenca bage itutupina alu tumba, tapi isangketkenna, gelah terang iakap kalak kerina si lit i bas rumah e”. Antusenna e me kap kalak Jahudi si isuruh Dibata jadi anak terang arusna mabai terang man kalak si nterem, seh ernanam man senina turangna si sada rumah. Labo maka itutupina terang si lit i bas ia, seh maka senina turangna gelapen ntah ia tetap nyaman amin gia senina turangna tertindas, tertaban, ras menderita.

Bahan invocationta ngerana kerna kuasa Berita Si Mehuli. Berita Si Mehuli e kap kuasa Dibata guna nelamatkan kerina kalak si tek man Yesus Kristus. Berita Si Mehuli nuriken kerna uga Dibata ngerembakken manusia kempak diriNa. Guna ngaloken Berita Si Mehuli arus ibenaken i bas kiniteken janah erkedungen i bas kiniteken. Janah kalak si enggo iperembakken Dibata kempak diriNa endandanken kiniteken nggeluh me ia. Tentu ngasup ia nggeluh bagi si ngena ate Dibata, janah lanai ia talu iban sura-sura doni. Kalak si nggeluh bagi si ngena ate Dibata rikutken bahan ogenta i bas Jesaya 61:1-4 ngasup ia lako maba berita si mehuli man kalak musil, mpepalem kalak si getem pusuhna, meritaken kebebasan man kalak si tertaban, ermomo kerna pendahin TUHAN i bas ngkawali bangsaNa, ras ngapuli kalak si erceda ate. Si enda kerina banci jadi erkiteken Kesah Tuhan si erdolat makeken kita mabai berita pembebasen e me kap Berita Si Meriah, i ja Tuhan enggo nelamatkan kita krina si tek man Yesus Kristus.

### PENGENAINA

Arah tema wari enda “terang perlu i bas gelap” ngajuk kita selaku anak Dibata si enggo iterangi Kesah Si Badia ras nggeluh i bas kebenaran ras kebujuren gelah ersinansal nandangi sekelewetta khususna nerangi politik/PEMILU si cenderung bermakna negatif atau dem alu biak,

## 6. Padan Dibata man Manusia

L Kata Dibata si jadi sumbul pengarapen kalak si tek, niNa: “Sabab i bas persadannu ras Kristus, kam enggo ipebayak i bas kai pe, i bas pengeranandu bage pe i bas pemetehndu, la kam kurang kai pe kerna pemere-pemereNa” (1 Kor. 1:5,7b). Malem kal ate kalak si tetap nggeluh erpengarapen man Dibata, e maka si puji IA alu ngendeken: **KEE No. 402:1,3 “Perban Keleng AteNdu”**

*Perban keleng ateNdu, tebusiNdu geluhku  
Alu mambur darehNdu, geluhku jadi mbaru*

**Reff : Asa ngasup gegehku, kuikutken kataNdu  
Jesus Kam si perkuah, ku puji ras ku sembah**

*Perban keleng ateNdu, jadikanNdu geluhku  
Meherga ras erguna, desken batu permata*

**Reff : Asa ngasup gegehku.....**

--- Perp. Kundul ---

## 7. Kata Dibata

a. Ngoge Kata Dibata Bagin Si Pemena (**Josua 24:14-15**) iogeken si mada jabu

L : Ketuahan kalak si megiken Kata Dibata, dengen si makekenca i bas geluhna si teptep wari, Haleluya.

P : *Haleluya, Haleluya, Haleluya (iendeken)*

b. Kotbah : **Perbahanan Rasul-rasul 2:43-47** (ibenai ras iujungi alu pertoton)

Tema : **Erkemalangen Man Dibata**

### KATA PERLEBE

Situasi kegeluhen megati mpengaruhi kiniteken manusia man Dibata. Kune bengket ku bas situasi si mehuli, kiniteken pe banci reh paguhna. Tapi rehkenca situasi kegeluhen si la bagi ukur, megati kal manusia celus piah dungna ndabuh ku bas kegeluhen si la ngena ate Dibata. Biak si bage me megati engkuasai kegeluhen kalak si tek man Dibata. E maka teridah kal nge pasang surut kegeluhen kinitekenna. E maka perlu menatalayanken kiniteken alu mehuli. Gelahna teridah maka kalak si ngendesken dirina man Dibata igejapkenna maka kuasa Dibata kap si erdahin i bas dirina seh maka banci ibentasina kerina situasi kegeluhen alu mehuli sentudu ras sura-sura Dibata.



---

## ISI

Bahan kotbah wari pe-teluken enda encidahken kegeluhen perpulungen si pemena kenca Jesus nangkih ku Surga. Teridah maka gegeh si jadi i bas perpulungen e me kap kiniersadanna erkiniteken ras erkemalangen man Dibata. Erkiteken kecibal geluh si idenden erbage-bage perbeben, mahanca perpulungen si pemena e encikep nteguh kiniersadanna. Kiniersadan e labo terjeng kiniersadan gelah idah kalak metunggung saja ngenca. Tapi kiniersadanna teridah i bas erbage-bage dampar. Sipemena teridah i bas **kiniersadanna naksiken tanda-tanda sengget ras kejadi-kejadi si mbelin** i bas geluhna. Ajar-ajar Jesus i bas paksa sie ngasup nuduhken erbage-bage tanda sengget si erbahanca teptep jelma reh rembakna ras Dibata. Tanda sengget ras kejadi si mbelin e ka me si mabai ia kerina ngasup ersaksi kerna perbahanen ras keleng ate Dibata si mbelin i bas kegeluhenna. Enda me si megati ikataken kiniersadan i bas ersaksi (er-Marturia) bas doni enda.

Jenari sipeduaken ulih **kiniersadanna pe teridah i bas ia pulung ras-ras**. Kata pulung ras-ras ngataken maka perpulungen si pemena ngasup mbangun hubungan kinitekenna man Dibata secara *komunal* (bersekutu bersama-sama). Labo gelah petunggungken sada, tapi igejapkenna maka alu pulung ras-ras e erbahansa kinitekenna reh paguhna. Si ndube kin lit perbeben ras kiniseran i bas ia, banci kedungenna reh gegehna ia ndalanisa. La ia talu i bas perbeben ras kiniseran e sabab lit si jadi teman man bana guna nampati ia. E maka teridah nge kiniersadanna e rehna i bas pusuh nari. I bas ayat 46 ikataken ije nina: *alu ersada ukur...* Kata enda njelaskan maka kiniersadanna tuhu-tuhu enteguh. Sabab si mpersadaken ia lanai bo kepentingan ras sura-surana jine. Tapi si mpersadaken ia e me ukurna. Ukur si erkemalangen man Dibata, si terlepas arah sura-sura doni enda.

### **Kiniersadan ukurna e pe teridah arah ia ertoto dinggen ras-ras man.**

Ertina maka kiniersadanna e mabai ia reh deherna i bas kiniteken. Lanai terjeng seri perbeben ras kiniseran geluhna saja ngenca. Tapi kiniersadan e mabai ia reh rembakna i bas erkiniteken. E maka lit nge lalap kesempatan man bana mpersadaken arih ras ukur i bas erkiniteken man Dibata. Lit ka pe kesempatenna ras-ras muji dinggen nembah Dibata. Arah kiniersadan e ka me reh tergejapna man bana keleng ate ras tanda sengget Dibata.

---

gereja hadir sebage terang mpelimbarui perbahanen, perukuren, ras pengerana i bas memasuki tahun pemilihan pemimpin gereja ras negara.

I bas Pekan Kebaktin Penatalayanenta wari si pelimaken enda secara khusus kita ngerana jadi terang bas politik/PEMILU. Gereja iarapkan ngasup nerangi politik si sedekah enda secara konotasi enggo ceda maknana. Sejalan ras sie misalna pandangan Reinhold Niebuhr si mengataken maka “tugas politik yang menyedihkan adalah menegakkan keadilan di dunia yang penuh dosa.” Amin gia bage tetaplah si usih Jesus Kristus si tetap mereken usihen subuk i bas pengerana, perbahanen, ras perukuren i bas menegakkan keadilan ras kebenaran amin gia konteks politik si ihadapiNa la sikap.

## ISI

Bahan kotbahta i bas kitab Matius 5:13-16 merupakan bagin kotbah Jesus i das uruk. Judul perikop Matius 5:13-16 ngerana kerna sira ras terang. Konteks kalak si megiken kotbah Jesus e me kap kalak Jahudi si sangana i teruh kekuasaan pemerintahen Romawi si ngarapkan sekalak pemimpin i bas kesusuren Daud guna melawan pemerintahen Romawi. Amin gia bage, tentu situasi si lit secara umum erkiteken penjajahan kalak Romawi lit dua terpuk. Terpuk si pemena, e me kap si tertindas, musil, si hakna pe la terpejuangkan ras ipinggirken. Terpuk enda ertima nandangi kerehen *Mesias* e me kap sekalak si enggo ipadanken, ipilih ras itimai kerehenNa mabai kebebasan man kalak Jahudi si sangana tertaban. Terpuk si peduaken, e me kap si sikap kegeluhenna, ndeher ras penguasa, bahken ndatken jabatan-jabatan si strategis i bas pemerintahen Romawi nari. Terpuk enda justru la pernah terpikir guna mperjuangkan kebebasan i bas kuasa pemerintah Romawi nari, sabab kegeluhenna sikap. Enda salah sada strategi politik pemerintah Romawi guna memecah belah kalak Jahudi. Arah situasi e Jesus mereken jawaben i bas kotbahNa maka kalak Jahudi arus jadi terang si seh kal perluna i bas gelap.

Situasi politik pemerintahen Romawi erbahanca kalak Jahudi lanai nggejapkan kiniersadan sebage bangsa pilihan Dibata si arusna sikeleng-keleng, sisampat-sampaten, ras saling menjaga. Amin gia lit senina turangna si musil, si jadi budak, si terpinggirken erkiteken politik



## 8. Berita Pengalemi Dosa

(Perp. Tedis)

L Turang ras senina, kenca si akuken salah ras lepakta man Dibata, e maka selaku persuruhan Dibata, aku nehken kataNa man banta (bandu) kerina, nina Dibata: “kutamakan me undang-undangKu ku bas pusuhna, janah kusuratken me ku bas ukurna.” Tole nina, “kulupaken me dosa-dosana ras perbahanenna si jahat”(Heb. 10:16b, 17). Meriah kal ukurta erkiteken salah lepakta enggo ialemi Dibata. E maka sidadahken keriahen ukurta alu ngendeken **KEE GBKP No. 378 (2 kali iendeken)**  
O Tuhan reh aku ku lebeNdu  
Nembah ras ngatakan bujur BaNdu  
Aku enggo itebusNdu, dosaku ialemi Ndu  
Pulah me aku o Tuhan, i bas iketen kuasa dosa  
Malem kal ateku Tuhan, nggo terkelin tendingku  
--- (Perp.Kundul) ---

## 9. Ngoge Kata Dibata Bagin si pemena: Jesaya 61:1-4 (iogeken si mada jabu)

L Ketuahen kalak si megiken Kata Dibata ras si makekenca i bas geluhna si teptep wari. Halleluya.  
P Halleluya...Halleluya...Halleluya... (iendeken)

## 10. Renungen (ibenaken ras idungi alu pertoton)

**Kotbah : Matius 5:13-16**

**Tema : Terang Perlu I Bas Gelap**

### KATA PERLEBE

Tahun 2024 enda kita selaku gereja iperhadapkan ras dua konteks pemilihan si banci mempengaruhi perdalanan gerejanta GBKP. Pemilihan Ketua/Diaken ras PEMILU guna anggota legislatif ras Presiden-wakil presiden melibatkan gereja si memiliki hak ras tanggungjawab si mbelin. I bas bagin enda gereja arus jadi terang di kune lit praktek-praktek si gelap i bas proses pemilihan enda. Si enda seh kal pentingna, sabab adi salah milih pangan sadawari ku teluwari dampakna. Salah milih potong buk, sada bulan dampakna. Salah milih Ketua/Diaken bage pe Pemimpin legislatif ras pemimpin negara lima tahun dampakna. E maka iarapkan

E maka si petelukan **kiniersadan e pe ituduhkenna alu mperdiateken kegeluhen temanna si deban**. Palas si turah ije e me palas kekelengen. Kiniersadan i bas kiniteken ras kekelengen mabai ia erdiate kempak kegeluhen temanna si deban. Kinilitenna e pe lanai igejapkenna jadi sikerajanggenna sekalak. Tapi enggo igejapna maka e enggo sikerajangen si nterem. E maka erdaya taneh ntah juma pe ia, minter ka nge iberekenna dengen ibagi-bagikenna man temanna si deban. Cara rukurna lanai terjeng dirina ngenca, tapi pe kerna kegeluhen ras kiniulin kalak si deban. I bas konteks kegeluhen si genduari tentu perpulungen iajuk lako mperdiateken kalak si deban arah kinilitenna. Tergejap min man kalak si deban kinilitenna e. Em tandana perpulungen banci erguna man kalak si deban. Biak si bage me si njemba kalak si erkinitekan man Jesus gelahna erlumba-lumba ngelakoken si mehuli i bas geluhna. Sabab igejapkenna maka kekelengen Jesus Kristus mbelin kal erdahin i bas dirina. Telu dampar enda me si ituduhkan perpulungen si pemena jadi **ORAT NGGELUH** kalak si erkemalangen man Dibata.

I bas ogen si pemena pe enggo ituduhkan Josua maka mbelin nge resiko si man alanken kalak si erkemalangen man Dibata. Pilihenna tentu lit i bas kalak si ngaku tek man Dibata. Pilihen erkemalangen man Dibata tentu labo sekedar pilihen biasa i bas kegeluhen kalak si tek. Sabap ulih pilihen e mbelin kal nge. Arus nge ipehagana Dibata dengen isembahna alu tutus. Lanai banci iendeskenka dirina nggeluh rikutkan biak ras sura-sura doni. Tapi icidahkenna maka kinitekenna mabai ia nggeluh alu payo i bas erkemalangen man Dibata. Penekanan si bage me si ipetangkas Josua man bangsa Israel dengen ngatakan alu tangkas maka ia ras kerina isi jabuna Dibata kap si isembahna. Pengakun si bage perlu pe i bas kegeluhen kalak si erkinitekan man Dibata maka i bas geluhna tetap kap Dibata si ipilihna guna isembahna.

### PENGENAINA

Tahun enda sasaren pelayanan gerejanta GBKP e me kap: *“Berkarya dan Berguna Untuk Orang Lain”*. Kegeluhen perpulungen si pemena tentu jadi usihen kal man banta genduari i bas kita mbangun hubungan kinitekenta subuk arah *“Bersaksi, bersekutu dan Melayani”*. Teptep jabu perpulungen arus ngelumbaken dirina banci jadi usihen kempak kalak si deban. I bas



teluna dahin gereja, banci si pilih i bas bidang siapai kita banci nuduhkan kemuliaan Dibata e. Banci arah kiniersadanta ersembah man Dibata, banci ka arah kininggitenta ersaksi kerna perbahanen Dibata ntahpe arah perbahanen si mehuli sinilakoken kita man kalak si deban. Sie kerina jadi kesempatan man banta nuduhkan maka kuasa Dibata erdahin i bas kita. Tentu erpalasken sie me kita idah kalak si deban selaku kalak si erkemalangen man Dibata. Enda me tanggung jababta selaku kalak si erkemalangen man Dibata gelahna teridah kuasa Dibata si mbelin si erdahin i bas doni enda.

**8. Pengakun Kiniteken (Perp. Tedis)**

**9. Persembahen Pengataken Bujur (Perp. Kundul)**

- a. Kata Dibata si jadi palas i bas kita nehken persembahen, e me kap:  
*"Bagi si lit tersurat i bas Pustaka si Badia: "Kalak si mbue ipepulungna la ia kelebihan, janah kalak si sitik ipepulungna la ia kekurangan"*  
(1 Kor. 8:15).
- b. lherta ngendesken persembahen, ras kita rende arah ende-  
endenta:

**KEE No. 420:1-3 "Asa Gegeh Ras Kengasupen"**

*Asa gegeh ras kengasupen, kami nehken persembahen  
Endesken kami baNdu Tuhan, alu dem keriahen*

**Reff:** *Ajari kami ngergaken, talenta ras kiniliten  
Arah ukur ras perbahanen, Tuhan ipermuliaken*

*Simpar tuhu aloken kami, pasu-pasuNdu o Tuhan  
KelengNdu igejapken kami, Kam kap si negu kami Reff: ...*

*Arak-arak tetap o Tuhan, geluh kami anakNdu e  
Gelah ngasup tetap o Tuhan, makeken si tading e Reff: ...*

**c. Pertoton Persembahen ras Sapaat**

- Gelah kerina serayaan banci mabai perpulungen ersada ibas ersaksi, ersada, ngelai.
- Gelah kegeluhen kerina perpulungen banci jadi kesaksin ras erguna man kerina manusia
- Kerna si mada jabu, si turah bas perpulungen bagepe jabu ingan pulung bas wari si pepagi

Sipujilah Tuhanta e, singerajaisa kerinana  
E maka kerajang jelma, mehuli jadina **Reff: ...**

Sipujilah Tuhanta e, Dibatanta si ermulia  
KemuliaNa si ndemi, doni ras i surga **Reff: ...**

**7. Kinilangasupen ngeluh bagi si ngena ate Dibata**

L Sabab bage pengkelengi Dibata doni enda, e maka iberekenNa AnakNa Sitonggal, gelah ola bene ise pe si tek man baNa, tapi gelah dat kegeluhen si tuhu-tuhu si la erkerin-kerin. Bagelah min kita pe makeken pusuhna si mbaru si ngena ateNa.

P **Rende KEE GBKP No. 394:1**

Tuhan alemi aku, alemi dosa ras kesalahenku  
Bereken bangku pusuh si mbaru, gelah metunggun i adepenNdu

L Gerejanta GBKP ngaku maka politik jadi sarana kesaksin ras alat guna menghadirkan Kerajaan Dibata i tengah-tengah masyarakat. Tapi rusur denga kita ngikutken sura-suranta saja, seh ulih i bas politik turah perubaten, la siangkan, kurang kalak si ku gereja, ras ndauh sirang ras Dibata.

P **Rende KEE GBKP No. 394:2**

Tuhan alemi aku, sura-surangu rusur kuikutken  
Ajari aku kerna p'ratenNdu petangkas kai arus ku lakoken  
Kerina Ngaku kal kami Tuhan, mbue kal kesalahen kami si erbahanca ceda pusuhNdu. Alemindu lah kami o Tuhan.

L **Mari dage si akuken dosanta arah ende-endenta KEE GBKP No. 362:1,3**

Alemindu aku bas dosangu, Alemindu aku bas lepaku  
O Tuhan sasap min, O Jesus sasap min, alemi dosangu

Ku janari 'ku baba geluhku  
DengkehkenNdu min pingko-pingkoku  
O Tuhan sasap min, O Jesus sasap min, alemi dosangu



**Reff :** Siberitakenlah kata ni Dibata  
 Kesah Si Badia kap si peturahsa  
 Cidahken arah kata ras perbahanen  
 Jadi kesaksin man jelma si enterem  
 Ersinalsal gelah terang Tuhan, i bas kita perpulungenNa  
 Sipersingeti krina temanta, maka turah nuhit ukurna  
 Sipeteguhilah kiniteken, seh kerehen wari Tuhanta **Reff : ...**  
**---- (Perp. Kundul) ----**

#### 6. Ende-enden pujin man Dibata (Msm. 33:1-11)

- L O kam kalak bujur, ersuraklah meriah i bas TUHAN.  
 O kalak bujur, pujilah ia. Alu kulcapi, katakenlah  
 bujur man TUHAN, ergendang dengen rendelah man  
 baNa.
- P Endekenlah ende-enden si mbaru man baNa, alu  
 mejile kuitlah kulcapi janah ersuraklah meriah.  
 Ranan TUHAN kerina tuhu, dengen kerina  
 perbahanenNa terarapken tuhu.
- Mamre+Saitun Ngena ate TUHAN kebujuren dengen keadilan,  
 keleng ateNa rasa lalap ndemi doni enda. Alu  
 perentahNa jine TUHAN njadikan langit jadi me  
 matawari bulan ras bintang-bintang bekas KataNa.
- P Lau lawit ipepulungNa kerina i bas sada ingan, lawit  
 si mbelang itombengna maka ula mambur. O doni  
 kerina, mbiarlah man TUHAN! O bangsa-bangsa i  
 doni permuliakenlah ia.
- Moria+Anak Rencana TUHAN tetap rasa lalap, sura-suraNa la  
 masap rasa lalap seh rasa lalap. Malem kal ate  
 bangsa si ngakui TUHAN jadi Dibata, sangap kal  
 bangsa si terpilih jadi sikerajangenNa.
- L Terpujilah gelar TUHAN seh rasa lalap. Amin.  
**Rende : KEE GBKP No. 395:1-3**  
 Sipujilah Tuhanta e, Dibatanta si erkuasa  
 La ersibar kuasaNa, liasNa nggo tetap  
**Reff :** Marilah kita kerina, sipuji Tuhan bas geluhta  
 Mbelin kekelengenNa banta k'rina  
 Segedang geluhta

#### 10. Perpadaanen Nggeluh Erkemalangen Man Tuhan (Perp. Tedis)

- L Kalak si erkemalangen man Dibata, teridah kap arah  
 kesaksinna man doni enda.
- P Erpadan kami Tuhan, tetap ersaksi man doni enda arah  
 perukuren, pengerana ras perbahanen kami kempak  
 sekelewet kami.
- L Dibata ndilo kalak si tek man baNa gelah tetap nggeluh ersada  
 bas doni enda.
- P Erpadan kami Tuhan, njagai kiniersadan kami ersembah man  
 baNdu. Gelah doni enda ngidah kiniersadan kami e jadi dalam  
 kami erberita man doni enda.
- L Dibata enggo nehken kekelengenNa gelahna kalak si tek  
 ngasup engkelengi sekelewetna.
- P Erpadan kami Tuhan, nuduhkan keleng ateNdu e kempak  
 kalak si deban. Iperdiateken kami kalak i sekelewet kami gelah  
 igejapkenna pe keleng ate Kristus nggeluh i bas dirina.
- L Sipteguhi perpadaanenta arah ende-endenta:  
**KEE No. 334:1,2"Tuhan Kap Si Empuna Geluhta"**  
*Tuhan kap si empuna geluhta, gegehta IA si merekenca  
 Kiniteken pe ras pemetehta, e pe IA si 'njujurkenca  
 IA kap erbanca kita sangap, tetaplal man ia kita ngarap  
 'Di reh susah b'reNa serpang pulah, tendi kula mejuah-juah*  
  
*Dage tetaplal bulat ukurta, geluhta pe lalap min erguna  
 Lagu langkah pe la sea-sea, gelar Tuhanlah ermulia  
 Adi jumpa kita si mesera, pengarapen ola kal min pera  
 Kune riah ukur kita jumpa, nehken bujur ola kal lupa*

#### 11. Pertoton Tuhan



## 12. Pemasu-masun

- L Tetaplah kam nggeluh erkemalangen man Dibata, gelah idah doni enda perbahanen Dibata si mbelin man kerina manusia. Guna jadi gegehndu, alokenlah pasu-pasu idur Dibata nari:  
**“Ipasu-pasu janah ikawali Dibata kita (kam), siang ayo Dibata ersinalsal ibabonta (ndu), janah melias ate-Na ngenehen kita (kam). Itatap Dibata ku kita (kam), janah malem ateta (ndu) ibahan-Na. “ Amin.**
- P *Amin, Amin, Amin (iendeken)*

### Diskusi

1. Turikenlah kai sinimaksudken i bas Perbahanen Rasul-rasul 2:46, alu ersada ukur?
2. Turikenlah tanda-tanda (biak) kalak si erkemalangen man Dibata si mabai ia erguna i bas kegeluhen jelma si nterem.

**Pdt. Dicky A. Bangun, M.Th.**  
**HP/WA : 081263231231**

## 3. Rende KEE No. 399:1-2 (Perp. Tedis/Ngendesken Perlengkapen Kebaktin)

Mari surak puji Tuhan, endesken ende enden m'riah  
O surga doni ersurak kerina  
Mari rende muji IA, alu ukur si meriah  
Puji gelarNa si Badia  
**Reff** : La 'rngadi ngadi kupuji Kam Tuhan  
Bas k'rina dampar kegeluhen  
Ersurak m'riah pusuhku i bas Kam  
Terpuji Tuhan rasa lalap

Mari k'rina manusia, sipuji dage Dibata  
Rendelah, ersuraklah kita k'rina  
Ersadalah ukurta e, mujiken gelar Dibata  
Ersurak dage kita k'rina **Reff** : ...

## 4. Votum-Salam

- L I bas gelar Dibata Bapa si ndilo kita (kam) erdahin guna kiniulin doni enda, i bas gelar Jesus Kristus si nggo mereken usihen i bas erdahin guna kiniulin doni enda, ras i bas gelar Kesah Si Badia simereken kepentaren gelah kita (kam) ngasup erdahin alu mehuli.  
Perkuah ate ras dame i bas Dibata Bapa ras i bas Tuhan Jesus Kristus nari, i bas kerembaken Kesah Si Badia ras kita (kam) kerina gelah. Amin
- P A...min A...min A...min (iendeken)

## 5. Berita Kerna perbahanen ras sura-sura Dibata (Invocatio)

“Sabap arah Berita Si Mehuli tangkas uga Dibata ngerembakken manusia kempak diriNa. Si enda ibenaken i bas kiniteken janah erkedungen i bas kiniteken. Bagi lit tersurat i bas Pustaka Si Badia, kalak si enggo iperembakken Dibata kempak DiriNa erdandanken kinitekenna nggeluh me ia” (Rom. 1:17). Erpalasken kata Dibata enda, si puji Ia alu ende-endenta.

### Rende KEE GBKP No. 400:1,3

Si b'ritaken B'rita Si Meriah, ulanai pedekah-dekah  
Ku sebelang-belang doni enda, seh ku kerina bangsa-bangsa  
Jesus kap si mada persuruhan, mari dage siberitaken





---

**LITURGI RAS RENUNGEN**  
**PEKAN KEBAKTIN PENATALAYANEN GBKP**  
**WARI PELIMAKEN, Kamis 25 Januari 2024**

**I. PERSIKAPEN**

- Ngaturken si ertugas ras perlengkapan guna kiniraturen kebaktin
- Usahaken maka anak-anakta ikut muat bagin mabai kebaktin enda umpamana mabai rende.
- Kerna kundul ras tedis si aturken rikutken situasi inganta pulung.

**II. KEBAKTIN**

**1. Kata Penaruh Ku Bas Kebaktin (Ibabai Serayan Tuhan)**

Tetap si kataken bujur man Tuhan, erkiteken kekelengenNa si la ersibar man banta seh i bas paksa enda kita banci denga ngikuti Pekan Kebaktin Penatalayanen GBKP wari si pelimaken. Terpujilah Tuhan arah kerina dampar geluhta. Pekan Kebaktin Penatalayanen enda mabai kita ersikap i bas menata kerina pelayanenta i bas tahun 2024 enda. Sasaran pelayanen GBKP tahun 2024 e me kap “Berkarya dan Berguna Untuk Orang Lain”. Arah ngikuti Pekan Kebaktin Penatalayanen wari pelimaken enda sue ras tema e me “Terang Perlu I Bas Gelap”, kita iajuk jadi terang si iperlukan kal guna nerangi kegelapen. Enda erkawiten ras dua agenda si cukup mbelin i bas tahun 2024 enda e me kap pemilhen Ketua/Diaken i bas gerejanta GBKP ras PEMILU i bas negaranta. Selaku gereja iarapken kita tetap jadi terang i bas pemilihan ketua ras diaken dengen i bas PEMILU.

Mari dage si pesikap pusuh ras perukurenta gelah terpuji gelar Tuhan, si endesken dage dirinta, ende-enden pujinta rikut ras toto pengarapenta man Tuhan janah si pindo Kesah Tuhan erkuasa i bas kegeluhenta, seh maka tangkas sura-sura Dibata man banta sekalak-sekalak. Mari si benai i bas pertoton.

**2. Ertoto**

---

**LITURGI RAS RENUNGEN**  
**PEKAN KEBAKTIN PENATALAYANEN GBKP**  
**WARI PEEMPATKEN, Rabu 24 Januari 2024**

**I. PERSIKAPEN**

- Nikapken ingan persembahen
- Ngaturken si ertugas bas kebaktin (imam, simabai kata penaruh, rende, si maba pertoton sapaat)
- Menginventarisir topik pertoton sapaat

**II. KEBAKTIN**

**1. Kata Penaruh**

Mejuah-juah man banta kerina perpulungen! Meriah ukurta banci ngikuti pekan kebaktin penatalayanen wari si peempatken enda guna kita ibabai rukur uga nggeluh mehamat man Tuhan sue ras temanta wari enda. Sipesikap dage pusuh ukurta, tek kita maka Dibata hadir i tengah-tengahta, mesikel IA ndengkehken puji-pujinta dengen pe ngerana ateNa arah kataNa man banta kerina. Man bandu kemahen Tuhan tek kami maka ipakeken Tuhan kam maba kebaktin enda dengen nehken kataNa man perpulungenNa. Dibatalah si mere gegeh dengen kepentaren man bandu. Dage mari sibengketi kebaktin enda, sidadahken kehamatenta man Dibata i bas kita reh ngadap man baNa, mari radu ras kita ertoto.....

--- Perp. Tedis ---

**2. Rende KEE No 3: 1,5 “Puji Dibata e”**

Puji Dibata e Raja mbelin si mulia, Kita kerina erjimpuh ertoto ku IA Pulunglah min, rende ersurak me kin, K’rina me kam manusia

Puji Dibata tendingku pe’blinken gelarNa  
I bas kuasa Dibata la lit nge sibarna  
Si erkesah, pulung sorana gelah  
Puji gelar Tuhan! Amin.



---

### 3. Votum-Salam

**L** I bas gelar Dibata Bapa sumbul kepentaren si tuhu-tuhu, i bas gelar AnakNa Jesus Kristus si enggo jadi manusia guna mereken usihen man banta nggeluh i bas kepentarenNA, ras i bas gelar Kesah Si Badia si mereken gegeh ras kengasupen man banta guna nggeluh i bas kepentaren Dibata. Perkuah ate ras dame i bas Dibata Bapa, i bas Jesus Kristus nari, ras i bas kerembaken ras Kesah Si Badia ras kita (kam) kerina gelah, amin.

**P** **Amin.....amin.....amin....(iendeken)**

### 4. Berita kerna perbahanen ras sura-sura Dibata (Invocatio) :

Ise pe tutus i bas si kitik, tentu tutus pe ia i bas si mbelin; ise si la tutus i bas si kitik, tentu pe la ia bujur i bas si mbelin (**Luk. 16:10**).

### 5. Rende KEE No 433: 1,3 "Kusembah Kam bas Geluhku"

Kusembah Kam bas geluhku o Tuhanku  
PedahNdu me tetap jadi gelemenku  
Dame geluhku adi ras Kam o Tuhanku  
La lit kebiaren malem tuhu pusuhku  
Pasu-pasuNdu tetaplah min ras aku  
Kam min tetap si ngiani pusuhku  
Kam min tetap si ngajari perukuren  
Demi min geluhku alu lias ateNdu  
Jadi t'rang si ersinalsal sekelewetku  
BereNdu gegeh man bangku o Tuhanku  
--- **Perp. Kundul** ---

### 6. Pujin man Dibata i bas kiniulinNa

**L** Seh kal ulina Dibatanta i bas kepentarenNa, mulia dingin terpujilah Ia i bas kerina sinilakokenNa.

**P** Amin, terpujilah Dibata. KepentarenNa isehkenNa man banta segelah kita erdalan i bas kebenaranNa.

**L** TinepaNa kap kita, e maka IA me si meteh kai simehulina man banta segelah kita ndatken kejuah-juahen dingin kemalemen ate i bas geluhta. E maka ibereNa man banta pedah bagi si tersurat i bas kataNa: Sembahlah Tuhan;

---

### C. Diskusi/Sharing:

Kalak si mehamat man Tuhan e me kalak si mposisi Dibatata i bas posisi tertinggi dingin terutama i bas geluhna, teridah arah ketutusenna ndalanken Kata Dibatata i bas geluhna. Cuba si latih dirinta guna ngukuri alu mbages kata Tuhan sabab kata Tuhan e lalap nge tujunna segelah kita ndatken kesangapen ras kejuah-juahen. Penungkunenna guna sidiskusikan:

1. Bagin Kata/perintah Dibatata siapai nge kidekah enda mberat dingin sangsi kam i bas ndalankenca?
2. Cuba ukuri jenari turiken kai nge sura-sura Dibatata si mehuli i bas perintahNa si mberat akapndu ndalankenca e?

**Pdt. Juda Diva Sebayang, S.Th.,  
HP/WA : 081374387220**

#### 14. Perpadanen man Tuhan

(Perp. Tedis)

- L Nggeluhlah mehamat man Tuhan alu ndalanken kerina siniperentahkenNa. Ula sangsiken kerina si enggo iperentahken Tuhan sabab e kerina guna kesangapen ras kejuah-juahen man banta (ndu) kap.
- P Beluhen kap Tuhan ngukurken kai si mehuli man bangku guna kulakoken i bas geluhku. E maka erpadan aku ngelakoken kerina siniperentahken Tuhan alu bulat ukurku, lanai sitik pe ukurku sangsi i bas ndalankenca.
- L Tuhan enggo megiken kai si enggo sipadanken i lebe-lebeNa, e maka ula erguak tapi dalankenlah alu bulat ukurta.
- P Amin.

#### 15. Rende KEE No 430: 1,3 “Ingetlah Pedah Tuhan”

Ingetlah pedah Tuhan, eme jadi gelemen  
Ukuri ras dalanken tentu dat kesangapen

**Reff: Pindo gegeh man baNa, ola erleja-leja  
Ikutkenlah kataNa, ibas kegeluhenta**

Kita k’rina suruhNa, naksiken kuasaNa  
Malem ateta banNa di si ban ‘teNa ngena **Reff: ...**

#### 16. Pertoton Tuhan

#### 17. Pemasu-masun

- L Jadilah kita (kam) terang i bas kegeluhen enda alu kita (kam) mehamat man Dibatanta (ndu), e maka alokenlah pasu-pasu idur Dibata nari : Dibata sumbul kemalemen ate e lah sincukupi keperluan (ndu) guna ndalanken si sentudu ras peratenNa, janah Dibatalah erdahin i bas kita (kam) arah Jesus Kristus, gelah kita (kam) ngelakoken si ngena ateNa. Man Kristuslah kemuliaan seh rasa lalap. Amin.
- P **Amin.....amin.....amin.... (iendeken)**

dahikenlah kerina siniperentahkenNa. Kelengilah IA; dahilah IA alu bulat ukurndu dengen ikutken kerina undang-undangNa. Kubereken undang-undangNa man bandu sendah tama kesangapen man bandu” (bdk. Ul. 10:12,13). Tangkas kap man banta kerina sinipedahkenNa e, e me segelah kita ndatken kesangapen i bas geluh enda.


- P Terpujilah Tuhan i bas kerina si iperentahkenNa man banta, sebab tuhu kap e kerina guna kiniulin ras kesangapen man banta. Amin.

#### 7. Rende KEE No 80: 3,6 “Jesus Ngeluh Ni Tendingku”

Aku min ajar-ajarNdu, tutus bas pedahNdu e  
Min dudurken bangku tanNdu, jadi cikepenku e  
B’re man bangku min KesahNdu, tangkel bas ukurku min  
Lalap aku si’krajangNdu, atan bas kiniulin

#### 8. Pengakun Dosa

- L Tapi melala kal jelma si nina ia erDibata tapi labo ia tek kerna kebenaran Dibata! Usur tempa ibegina kata Dibata, tapi teken ia nandangi pemetehna jine, e maka si idalankenna e me sura-surana jine nge labo peraten Dibata. Melalasa pertimbanganna, beluh akapna bana e maka itulakna peraten Dibata i bas geluhna. Dage mari sipepayo pusuh dengen perbahanenta kidekah enda, tuhu nge kita nggeluh i bas kebenaran Dibata? Tek nge kita maka kerina sinipedahken Dibata maba kejuah-juahen ras kesangapen man banta? Entah gatin denga nge kita erpengakap perukurenta e me si mehulina guna sidalanken labo peraten Dibata, mari bengket kita kubas paksa teneng, sibenaken! (...1 menit....)  
Kenca si pepayo pusuh ukurta dengen perbahanenta kidekah enda... mari siakuken kerina dosa-dosanta i lebe lebe Dibata janahta rende **KEE No 362:1, 2 “Alemi Dosangku”**  
AlemiNdu aku bas dosangku, alemiNdu aku bas lepakku.  
O Tuhan sasap min, O Jesus sasap min  
Alemi dosangku



Si la payo dem i bas geluhku, ngaku aku baNdu o Jesusku  
O Tuhan sasap min, O Jesus sasap min  
Alemi dosangku

### 9. Berita pengalemi Dosa (Perp. Tedis)

**L** Nina Dibata man banta (bandu) kerina, kerina kita (kam) si nggejap ras si ngakuken salah ras dosanta (ndu) : “Kutamaken me undang-undangKu kubar pusuhndu, janah kusuratken i bas ukurndu.” Kulupaken me dosa-dosandu ras perbahanenndu si jahat (Heb. 10:16b, 17). Bage me niNa Dibata man banta (bandu) kerina, amin.

E maka i bas kita ngaloken perkuah ateNa si enggo nasapken dosa-dosanta mari sipuji IA i bas **KEE No 249: 1,5**

**“Ajar Aku o Tuhanku”**

Ajar aku o Tuhanku, make kata ras pedahNdu

Kueteh payo ras sentudu, kuikutken bas geluhku

**Reff: Si ngikut pedah Dibata, daten me kerembakenNa**

**Pedah kata tangkas k’rina em jadi gelementa**

Mata ukur nare baNa gelah peratenNa siangka

Adi g’luhta ikepkeNa, tentu malem kel ateta **Reff: ...**

### 10 Nehken Kata Dibata

#### a. Ogen : Lukas 21: 1-4 (iogeken si mada jabu)

**L** : Ketuahan kalak si megiken Kata Dibata dengen si mekekenca i bas geluhna si teptep wari, haleluya.

**P** : Haleluya.....haleluya....haleluya..... (iendeken)

#### b. Kotbah : Kuan-kuanen 3:5-10 (ibenai ras iujungi alu pertoton)

**Tema : Mehamat Man Tuhan**

### A. KATA PERLEBE

Melala kal jelma nina erDibata, tapi labo ia nggit ernalem man Dibata alu bulat ukurna. Ukur dengen sura-surana saja nge ipementasna, teken ia man pemetehna jine asangkan man kepentaren Dibata. Ngatakan Kata Dibata e labo tuhu ia pang, tapi ndalanken ningen tuhu mberat kal akapna. E maka melala si idah curak kalak Kristen si kegeluhenna tanpa pertobatan! E maka arah Kata Dibata bas wari enda iajuk kita guna niksiki biak geluhta enggo nge kita ncidahkan

### III. PENGKENAINA

Melala kalak Kristen la teridah jadi sira ras terang, erkarya dengen erguna i bas kegeluhen enda, sabab la setia dengen tutus atena ndalanken kata Dibata. Nina ia mehamat man Tuhan, menempatkan Tuhan di atas segalanya, tapi teridah bas perukuren dengen perlaguna labo ia tek man Dibata. Teken ia man kepentarena asangkan kepentaren Dibata e maka aru nge atena lalap i bas erDibata enda. Ibegini kata Dibata tapi la lit kinipangenna i bas ndalankenca, e maka ibahanna membenaren dengen alasen guna la ndalanken Kata Dibata. Ula siakap Dibata nggit ngangakai tindakan si la ndalanken kataNa amin kai pe sibahan alasenta erpalasken pertimbangenta manusia. E maka si renungkanlah kata Dibata “suari ras berngi”, e lah sibahan jadi keriahenta sabab i bas Kata Dibata e lit tujuan ras maksud Dibata guna kegeluhenta reh ulina.

Meamatlah man Tuhan alu tek dengen ndalanken perintahNa.

### 11. Pengakun Kiniteken (Perp. Tedis)

### 12. Persembahen Pengataken Bujur (Perp. Kundul)

**L** Ngatakan bujur e me persembahen si pehagaken Aku, janah si patuh ngikutken Aku tentu kukelini (Msm 50:23).

**Rende KEE No 290: 1,2 “Labo Erkiteken Beluhku”**

Labo erkiteken beluhku, labo erkiteken pentarku


Tapi perbahan penampatNdu, mbelin tergejap bas ngasupku

Labo erkiteken dahinku, labo erkiteken pangkatku

Tapi perbahan perkuahNdu, malem ateku tuhu-tuhu

### 13. Pertoton Persembahen ras Sapaat

- Persembahen
- Segelah kerina perpulungen GBKP ertetap ukur guna ndalanken Kata Dibata, segelah teridah ia nggeluh mehamat man Tuhan.
- Simada jabu wari enda/si pepagi
- Si turah i bas perpulungen



bas kekurangenna (“.....iberekenna kerina si lit bas ia”), ertina ia menaruh keterjaminen geluhna ku bas tan Dibata, labo kubar kai si lit bas ia. E maka perkara nehken persembahen i lebe Tuhan labo persoalen angka/nominal, tapi persoalen sikap hati ras pengakunta kerna ise IA i bas geluhta. Adi kita menempatkan Dibata sebage si meganjangn dengen terutama maka nehken persembahen e sada kesangapen, keriahen ras kemalemen ate man banta. Sekai nominalna? Pusuh ukurta pasti ngajari kita mere si mehulima, sabab Dibata e pe bas geluhta e me si meganjangna, terpenting dengen si terutama.

Perukuren si bagenda rupa njemba kita ngelitken motivasi yang tinggi, semangat ras daya juang si optimal guna makeken kerina potensi, peluang, kesempatan si lit, seh maka ulihna pasti si terbaik ka nge sialoken bas geluhta. Motivasi yang tertinggi membuahkan hasil yang tertinggi pula, e maka payo nge nina Dibata kalak si nehken persembahen ulih jumana si mehulina erkiteken ia mehamat man Tuhan, maka dem me lumbungna dengen sampur me lau anggurna, sabab kalak si mehamat man Tuhan ‘dia tidak akan melakukan segala sesuatu dengan seadanya’, segelah menggo tapi ia pasti njemba dirina ‘sampai batas potensina’ guna ‘melakukan yang terbaik’, seh maka ulihna pe e me ‘yang terbaik’. E maka dem lumbung dengen sampur lau anggur sebage gambaren kesuksesen, kesangapen ras kejuah-juahen. E maka kai siniperentahken Tuhan e situhuna guna geluhta reh ulina, reh sangapna dengen reh majuna geluhta. E maka ndalanken Kata Dibata e ula ninta mberat, la terban e ninta, sabab ate Dibata pehuliken geluhta nge labo atena segelah kita mberat dengen bene! Dibata pe keleng kal ateNa kita, bahken lebihen ateNa kita keleng asangkan kengasupenta ngkelengi dirinta. Jadi sikap mehamat man Tuhan e alu ndalanken kataNa tuhu berdampak langsung kubar kondisi ija kegeluhenta pasti reh ulina.

E maka erlarjar kita setia ndalanken kebenaren Tuhan bas geluhta, benaken i bas perkara-perkara si kitikna nari pe (bdk. Invocationta).


Adi i bas perkara si kitik pe enggo kita tammat maka kita akan naik level ipercayaken Tuhan man banta perkara si terbelinen.

biak mehamat man Dibata i bas kerina dampar geluhta? Entah kin kehamaten man Dibata e lenga bo tuhu teridah!

## B. ISI

***Ernalemlah man Dibata alu bulat ukurndu. Ndigan pe ola ernalem man pemetehtu jine. Ingetlah Dibata i bas kerina siidahikendu e maka IA si nuduhkan dalam si payo man bandu. Ola iakapndu pentar kam lebih asa patutna; erkemalangenlah man Dibata janah ola kam nggit erbahan si jahat.*** Ernalem i jenda maksudna mpercayaken kerinana kubar tan Tuhan, kubar kepentarenNa, kubar pengaturkenNa kerina si jadi bas geluhta, la lit kesangsing/keragun sitik kal pe kerna kai sinibahan Tuhan i bas geluhta. Kita tek man kepentaren, pemetehtu ras pertimbangan Tuhan, janah i bas si e teridah arah kita ndalanken perentah-perentah Dibata tanpa sitik pe keragun i bas pusuhenta. Adi ***ola*** nina Dibata, maka la banci e ilakoken! Adi ***dalankenlah*** niNa, maka dalankenlah alu bulat ukur. Ula sitambahi pemetehta i babo pemetehtu Dibata! Ola sibahan alasen alasen entah pertimbangan-pertimbangenta manusia guna la ndalanken Kata Dibata, sabab e ngatakan maka beluhen siakap kita asangkan Dibata. Enggom leben iukuri Dibata “alu mbages” maka isuruhNa kita guna ndalankenca. Kalak si beluhen akapna bana asangkan Dibata teridah arah la ia nggit ndalanken Kata Dibata maka situhuna lit biak iblis i bas dirina, sabab iblis pe beluhen nge akapna ia asangkan Dibata! Kalak si bage me kategori si ernalem man pemetehtu jine labo ernalem man Dibata. Kalak si bage curakna nge si pentar iakapna bana lebih asa patutna. Tentu lit kepentarenta manusia, lit kebeluhenta rukur dengen ertimbang, tapi si e kerina la banci sicibalken ganjangan asangkan kepentaren Dibata. Arus kap sisesuaikan perukurenta ras kai si iperentahken Dibata guna sidalanken. E maka adi kita iperhadapkan kubar kata Dibata sebage wujud kepentaren Dibata maka arus sidalanken alu bulat ukurta. Enda me ertina kalak si erkemalangen, seh maka kerina si jahat, si la sue ras Kata Dibata labo kita nggit ndalankenca.

Tapi payo nge kidekah enda kita ernalem kempak Dibata alu ndalanken kataNa alu bulat ukurta? Payo nge teken kita kerna kai siniperentahken Dibata asangkan perukuren dengen pertimbanganenta manusia? Entah kin



kidekah enda teken kita nandangi kepentaren ras pertimbangenta asangkan kepentaren Dibata, sabab melala nge kalak ipilih-pilihna apai kata Dibata si banci idalankenna dengen isilahina Kata Dibata si mberat akapna ndalankenca. Tempa-tempa lit Kata Dibata si labo maba kejuah-juahen ras kesangapen tapi maba kerugin saja ngenca sifatna. Umpamana sebage contoh, nina Dibata: Pebadiakenlah wari Sabat! Apakah perintah Dibata enda tujunna segelah urak uang masukta? Tentu lit je tujun Dibata si mehuli man banta maka nina ngadilah bas wari si 7-ken. Kita labo robot, kita butuh istirahat, butuh menyegarken ngolihi kula dengen perukurenta segelah ngolihi pulih semangat ras gegehta. Kita perlu ersada ras Tuhan guna mpegegehi spiritualitasta sebage dasar dengen gegehta ndalani kegeluhen enda. Kalak si ngergai dengen ndalanken sabat bas geluhna nge si justru lebih berkualitas carana ndalani kegeluhenna. Pentar nge Dibata maka ibahanNa peraturen enda guna sidalanken! Bage ka pe perintah Tuhan niNa: Berekenlah persepuluhendu! Jelas perintahNa e me mere persepuluhen! Tapi megati manusia nulak perintah enda alu erbahan melala pertimbangan ras alasan. Lit deba nina, si sepuluh e pe la bias, kurangi ka sada ningen, labo terban e nina, e maka persepuluhenna pe labo berena. Lit ka mere segelah menggo, sabab mela tatap kalak! Tentuna melala tujunna Dibata netapkan persepuluhen, tapi salah sadana e me segelah kita kalak si tek erlajar ncukupken kai si lit bas kita. Lit orang tua mereken anakna belanja Rp. 300.000, jenari lit ka si mereken Rp. 2.000.000, tapi engkai banci jadi anak si ngaloken Rp. 300.000 ndai cukup bahkan banci denga ia nabung jenari si ngaloken Rp.2.000.000 ndai banci la bias? Cibalna e me soal ngaturken kegeluhen (manajemen hidup)! Kita megati mempersoalkan angka-angka, jumlah, tapi Dibata mentingken uga kita memamanajemen geluhta-keuangannta, cara berpikirta, fokus hidupta, si apai si kurang penting, sipenting ras si paling penting. Jadi labo sipentingna kerna sekai si lit bas kita, tapi si lebih penting e me uga kita mengelolasa kai si lit bas kita e. Jadi persepuluhen e mabai kita erlajar ngataken bujur i bas pemere Tuhan i bas sada kiniteken maka Tuhan si njayam geluhta, ncukupken keperluan diri asa si lit bas kita-meteh si penting ras si la penting, la terjerumus kubah pendewaan uang, mengasah hati untuk peduli man gereja bage pe sekelewetta (aspek sosial), ras melala denga si debanna. Jadi mere persepuluhen e njemba kita guna meningkatkan kualitas caranta nggeluh, janah enda me si ipindoken

Tuhan arah kita nari. Kerina perintah Tuhan tujunna e me segelah kegeluhenta reh ulina dengen reh sikapna nge, la lit perintahNa segelah geluhta reh murdena. E maka adi lit kalak si sangsi kerna Kata Dibata, berarti perukurenta e nge si perlu man pekenan, sabab labo mungkin pentaren ia asangkan Dibata. I bas ayat 8 nina: **Adi bage pengelakondu, perbahanendu e desken tambar si mpepalem pinakit ras simesuindu.** Ertina kata Dibata e mereken kemalemen ate, ketenangan dengen keriahen ukur. Bene ukur gulut, kebiaren bagi kalak si pinakiten jumpa tambar maka meriah ukurna sabab malem ia i bas pinakitna nari. E maka jadikanlah keriahenta e me matuhi undang-undang Tuhan dengen ngukurisa suari ras berngi segelah kita reh pentarna (bdk. Msm. 1:2). Jadi kalak si la ndalanken Kata Dibata iakapna nge ia pentaren asangkan Dibata, e maka sinidalankenna e me kepentarenna jine e maka ndabuh me ia ku bas sikap ndalanken kai si la ngena ate Dibata (jahat).

Jenari i bas ayat 9, 10 itantang kita guna tek dengen ndalanken kata Dibata ija niNa : **Mehamatlah man Tuhan alu mpersembahkan ulih jumandu si mehulina kal man baNa. Adi bage perbahanendu la banci lang dem lumbungndu alu gandum dengen lau anggurndu sampur, seh maka lanai siat ingan munikenca.** Mehamat man Tuhan (tema) ertina i bas kamus Karo-Indonesia e me sopan, hormat. Adi bas KBBI kata hormat enda iertiken menghargai, entah pe perbuatan yang menandakan rasa khitmat atau takzim (seperti menyembah, menunduk). I bas Alkitab kata hormat enda e me **kavood** (“menjadi berbobot, bernilai”), ertina kita menghormati seseorang, kita memberi nilai tinggi kepada orang tersebut dengan sikap, tindakan dan kata-kata kita. Jadi mehamatlah man Tuhan ningen i jenda banci siertiken sikap tindakan menyembah, tunduk man Dibata erkiteken kita menempatkan Dibata i bas posisi yang tinggi, bahkan tertinggi, terpenting ras terutama ibandingkan kai pe si lit bas geluhta. E maka i bas kita nehken ulih juma (entah i bas erti luas kerina hasil arah pendahinta) idasari sikap pengagungan akan Allah di posisi yang tertinggi i bas geluhta e maka lanai sipersoalken belin kitikna pengalonta, tapi si lit e me rasa bangga dengen puas i bas kita banci nehken persembahenta. Lanai lit perasaan rugi siakap, melalasa siakap sibereken, aru ateta, sabab siakui Dibata me si njayam dengen sinjamini geluhta. Enda ka me siidah bas ogenta ija sekalak diberu balu balu mere i



